



Ex Bibliotheca
majori Coll. Rom.
Societ. Jesu

III . 20 . 6

77.6.02

CHRYSIPPVS

S. I V E

DE LIBERO ARBITRIO.

EPISTOLA

CIRCULARIS

A D

Philosophos Peripateticos.

Collegi Romani



Bibl. Sec.

& Imo Auth.



Anno M. DC. XLIV.

12.27.F. 10

Τὶ γὰρ ἐς ἐλπίδαί σοι τὸ πᾶν δοκεῖ ναυτιῶνι τυχόν ἢ
μεθύοντι, καὶ τὴν σὴν ἀγνοίαν ἑτέρων ὑπολαμβάνεις;

*Quid enim si tibi nauscenti fortè aut ebrio uni-
versum circumagi videatur, & tuam ignoran-
tiam aliorum esse interpreteris? Nazian.*

CHRYSIPPVS³

S I V E

DE LIBERO ARBITRIO.

E P I S T O L A

A D



Philosophos Peripateticos

REM à vobis non bellam fieri dolemus, Eruditissimi Viri, quèd sic Aristotelem vestrum docetis, id est, vt dicere quidam solent, sine Aristotele. Rari cum legunt, vt audiuius, rarissimi qui sensus eius scrutari, & intelligentiam assequi conentur.

Non igitur Aristoteles in vobis loquitur, sed vos in Aristotele, & singuli assumpta eius persona, facitis eum quidquid animo vestro & imaginationi collibitum garrirc.

Sic dum Ecclesia vnum Aristotelem, ad doctrinæ concordiam, Scholas Christianorum permittit ingredi, plures furtim Aristoteles subeunt, quàm olim Troiam sub equo durateo Proceres Achiui. Et quod pessimum est, doctrinæ cum alijs consensus, modicæ eruditionis, aut ingenij signum habetur; ideoque qui famam volunt, secedere & dissentire à grege communi debent: quod dum omnes faciunt, grex ipse dissoluitur, nec vlli iam amplius via veteri & publicâ gregatim incedunt, sed per semitas & vepres, per rupes etiam, cacumina & præcipitia montium multi, hoc est, *in mirabilibus super se ambulant.*

Psal.
130.

A ij.

Res

Res ista multas olim in Ecclesia turbas dedit, & porrò dabit plures, nisi supremus Pastor vagos ac palantes matrè reducat aut repellat in gregem. Nam dissensus & pugna Philosophorum transferuntur postea ad Theologiam; & quæ in lacu illo vndula tantum erant, in magno hoc mari fluctus & tempestates sunt. Secundum enim Philosophiæ suæ principia quisque in Theologia progreditur; imò quidam totâ vitâ Philosophi manent, & in antiquos syllogismorum circulos, aut sophismatum spiras semper intenti, Scholæ pulverem tantum mutant.

Itaque ut Philosophorum horologia consonent, ad Aristotelem, S. Thomam, Scotum, & veteres illos Interpretes pondera nimium prolapsa, & longius in dies properantia, reuocari debent.

De ceteris dogmatibus nil attinet iam dicere, quantum in natura liberi arbitrij explicanda, ab Aristotele suo & veteri Interpretum ævo descuerint multi Neoterici, statui breviter, & per quasdam veluti tabellas, siluam rerum aliàs satis confusam & intricatam, distinctè ob oculos proponere.

C A P U T I.

Naturam voluntatis & libertatis explicare est difficile.

S. Aug.
lib. 11. c.
14. Con-
fess.

QUOD olim S. Augustinus de tempore dixit, *Si nemo ex me querat, quid sit tempus, scio; si querenti explicare velim, nescio*; idem fermè de voluntate & libero eius arbitrio potest dici. Vagam & confusam quandam cōceptionem ruditer formare videtur facilimum, si verò rei fundum perscrutari velis, illicò tenebræ & puteus Democriti. Hoc veterum Philosophorum in ista re caligines, & Andabatarum pugnae in concilianda Dei providentia cum humana libertate satis dicunt. Quidam enim

dam enim omnia casu extra diuinam prouidentiam ferri crediderunt; alij à Dei prouidentia humanas voluntates fatali necessitate propelli; *Chrysippus tamquam arbiter honorarius*, inquit Cicero, *medium fieri voluit*. Nempè humanas voluntates à diuina prouidentia regi, & à fato primum velut impulsus accipere dicebat, reliquum verò motus esse in voluntatis potestate. Et rei hujus obscuritatem rudi similitudine, ac familiari exemplo cylindri, aut turbinis quem flagello pueri agitare solent, illustrabat. *Vt enim Cicero qui protrusit cylindrum*, inquebat, *dedit ei principium morionis*, volubilitatem autem non dedit; sic visum obiectum imprimit quidem & quasi signat in animo speciem suam, sed assensus nostra est in potestate, eaque, quemadmodum in cylindro dictum est, extrinsecus pulsa, quod reliquum est suapte vi & natura mouebitur. In quo profectò, si benignum Interpretem nactus fuerit, si non ipsam, proximè tamen veritatem attigit.

S. Anselmus quoque notitiam potestatis, necessitatis, voluntatis, quibus vocabulis & rebus tota materia & doctrina liberi arbitrij contextitur, non multum facilem esse dicit, & melius S. Augustinus rem multum abditam appellat. Ego enim certè nihil in vniuersa Philosophia difficilius & impeditius esse credo. Vnde alibi Augustinus huius rei profunditatem inspiciens, Si tibi proponam quæstionem, ait Petiliano, quomodo Deus Pater attrahat ad Filium homines, quos in libero dimisit arbitrio, fortassis eam difficile soluturus es. Quomodo enim attrahit, si dimittit, ut quis quod voluerit eligat? Et tamen utrumque verum est, sed intellectu hoc penetrare contra pauci valent. Et iterum ad Pelagium: Quæstio ista, ubi de arbitrio voluntatis & Dei gratia disputatur, ita est ad discernendum difficilis, ut quando defenditur liberum arbitrium, negari Dei gratia videatur, quando autem asseritur Dei gratia, liberum arbitrium putetur auferri.

Nec iniucundum erit Petri Pomponatij, nobilis inter Italos Peripatetici, æstum hîc animi videre & ridere, qui

Cicero
lib. de
fato.

S. Anselm.
lib. 2. c.

2. Cur
Dew.

S. Aug.
lib. 1.

Oper.
imperf.

Idem
lib. 2.

c. 84.

Petili.
Idem c.

47. de
gratia

Christi.

totis ingenij viribus conatus humani arbitrij, & eius cum diuina prouidentia conciliandi rationē inuenire, erumpit tandē in indignationem & hæc verba. *Ista sunt, inquit, quæ me premunt, quæ me angustiant, quæ me insomnem & insanū reddunt. Vt vera sit interpretatio Promethei, qui dum studet clam surripere ignem Ioui, eum reliquit Iupiter in rupe Scythica, in qua corde aspidue pascit vulturem rodentem eius cor. Prometheus verò est Philosophus, qui dum vult scire Dei arcana, perpetuis curis & cogitationibus roditur. Non fitit, non famescit, non dormit, non comedit, non expuit. Ab omnibus ridetur, & tamquam stultus & sacrilegus habetur, ab Inquisitoribus persequitur (lege P. Iouium in Elogio Pomponatij, quorum hæc spectent, faciliè intelliges) sit spectaculum vulgi. Hæc sunt lucra Philosophorum, hæc eorum merces.*

C A P V T I I.

Non intellectæ, aut non satis distinctæ Aristotelis & veterum variæ locutiones notitiam libertatis apud quosdam Neotericos obscurarunt.

Nihil adèò libertatis notionem confudit, atque diuersi & quasi contrarij Aristotelis, S. Thomæ Scoti ac Patrum vetustiorum loquendi modi, quibus nunc libertatem ab omni necessitate liberam esse, nunc cum aliqua necessitate consistere posse dicunt.

Idem enim Aristoteles qui alibi ait, In quibus in nostra potestate situm est agere, situm etiam est non agere, & in quibus non agere, simili modo etiam agere; alibi postea dicit: In practicis necesse est, ut anima statim agat. Veluti, si omne dulce gustandum est, hoc autem est dulce, necesse est, ut qui potest & non prohibetur, hoc quoque agat. Ecce enim primò ait, In potestate esse, agere & non agere: postea, necesse esse agere, si iudicetur esse agendum.

S. Tho-

S. Thomas quoque : *Potest homo velle & non velle*, inquit, *s. Tho.*
agere & non agere, potest etiam velle hoc aut illud, cuius ratio ex *1. 2. q.*
ipsa virtute rationis accipitur. Et tamen paulò pòst addit, *13. 4. 6.*
oportere eligi id quod eminet. Alicubi etiam dicit, *Opinionem* *s. Tho.*
esse hæreticam, & collere rationem meriti ac demeriti in humanis *q. 6. de*
actibus, quæ ponit, quòd voluntas hominis ex necessitate moue- *malo.*
tur ad aliquid eligendum, etiamsi non cogatur. Item alibi: *Ea* *idem 1.*
ad quæ naturaliter inclinamur non subsunt libero arbitrio, sicut *p. 9. 83.*
dictum est de appetitu beatitudinis. Nihilominus eodem Ar- *2. 2.*
 tic. ait, *libertatem naturalem esse libertatem à coactione* Et *idem 1.*
 antè ad illud S. Augustini, *Si aliquid est voluntarium, non est* *p. 9. 82.*
necessarium, Respondet, *Verbum Augustini est intelligendum de* *2. 2.*
necessario necessitate coactionis. *Necessitas autem naturalis non*
auferit libertatem voluntatis, ut ipsemet in eodem libro dicit.
Quomodo autem ista inter se non pugnant, Ea ad quæ na-
turaliter inclinamur non subsunt libero arbitrio, imò hæretica
opinio est id affirmare; & tamen necessitas naturalis non au-
ferit libertatem voluntatis?

Similis perplexitas in Scoto: *Voluntas nostra*, inquit ali- *Scot. 1. d*
 cubi, *ut prior naturaliter suo actu, ita elicit actum illum, quòd* *39.*
possit in eodem instanti elicere oppositum. Et tamen aliàs forti-
 ter asserit, *voluntatem semper habere suum modum causandi* *s. cot.*
proprium, scilicet liberè. Vnde alibi intrepidè docet amo- *quodl.*
 rem & fruitionem Beatorum esse liberam, ac Beatos esse *16.*
 peccabiles, *Licet per voluntatem Dei, præuenientem Beatorum* *s. cot. 4.*
voluntatem, ut semper continuet actum fruendi, non possit po- *d. 49. q.*
tentiam suam remotam non-fruendi, vel peccandi reducere ad *6.*
actum. Siquidem, inquit, *nunquam causa secunda præuenit à*
causa superiori agente ad vnum oppositum, potest potentiâ pro-
pinquâ exire in aliud oppositum.

S. Augustinus aliquando ait, *Voluntatis arbitrium hac at-* *s. Aug.*
quæ illuc liberum fleret. Et tamen sapissimè etiam dicit, *omne* *1. 2. c. 18.*
quod voluntate facimus esse liberum; adeò ut quod pondere *de pecc.*
omnium rationum, aut alieno impulsu in alteram tantum *merit.*
 partem .

Idem partem deflexo facinus, liberum tamen maneat. *Quantum*
lib. 1. c. est, inquit, quod valet voluntas sub dominante cupiditate? Hoc
15 Rec. est, nihil valet boni. Et tamen, probat, liberum esse tale pec-
tract. catum quo consentitur conspicientia peccati, quia non nisi voluntate committitur. Quasi ubi adest voluntas, certò adfit & libertas.

Idem Vnde alibi: Nos adversus istos sacrilegos ausus atque ini-
lib. 5. c. quos, inquit, & Deum dicimus omnia scire, antequam fiant, &
9. Civit. voluntate nos facere, quidquid à nobis non nisi volentibus fieri sentimus & novimus.

Ecce iterum quomodo probat, præscientiam Dei non euertere arbitrij libertatem, quia quod præscit Deus nos facturos, id voluntate nostra & à nobis volentibus fiet; quasi vnum idemque sit voluntas & libertas. Vnde apertissimè alibi: Si liberum non sit, non est voluntas. Hinc Magistro suo concinens Bernardus: Homo interveniente peccato patitur quandam vim, sed à voluntate, non à natura; ut ne sic quidem ingenua libertate priuatur. Quod enim voluntarium, & liberum. Et alibi: Vbi voluntas, ibi libertas. Et hoc est quod dico puto liberum arbitrium.

Idem Attamen ipse idem: Ratio data est voluntati ut instruat
lib. de illam, non destruat. Destrueret autem, si necessitatem ei ullam
lib. arb. imponeret, quo minùs liberè pro arbitrio sese volueret, siue in malum consentiens appetitui, siue ad bonum gratiam sequens.
Ibid.

Denique, ut tot alios omittam, S. Anselmus: Homo consensum suum non naturaliter, nec ex necessitate, sicut equus, sed ex se apertè videtur habere. Et tamen in tractu vel impulsu voluntatis, negat eueri libertatem, quoniam voluntate quisque ad id quod indeclinabiliter vult, trahitur vel impellitur. Quod nulla alia ratione verum esse potest, quàm quia cum Augustino & Bernardo, voluntas est libertas.

Hæ ego & pares SS. Patrum & veterum Philosophorum in speciem antilogicæ & compugnantes sententiæ, libertatis & liberi arbitrij notionem apud posteros mirum in modum conturbauerunt.

CAPVT

C A P U T I I I.

Libertas indifferentia seu æquilibrij vnde reperta.

CVM ergo inter has veterum de libertate sententias Peripatetici quidem recentiores concordiam nullam aut difficilem viderent, vnam partem, quæ facilior videbatur amplexi sunt, reliquam, tamquam obscuram & dubij sensus neglexerunt.

Itaque omnem libertatem in quadam indifferentia inter duo opposita consistere dixerunt; nullam verò libertatem superesse, vbi aliqua necessitas, quæcumque illa sit, & determinatio in alteram partem admiscetur.

Vnde illud S. Thomæ, *Homo potest velle & non velle, potest velle hoc aut istud*, libenter retinuerunt; istud verò, *Libertas naturalis est liberis à coactione*, velut tenebrosum, nec satis intelligibile, abjecerunt.

Quod Scotus dixit, *Voluntatem ita elicere actum liberum ut possit eodem instanti elicere oppositum*, satis clarum esse existimauerunt: cum verò addit, amorem beatificum liberum esse, non obstante determinatione voluntatis ad unum, dixerunt hoc intelligendum de amore non re verà libero, sed tantum secundum aliquem loquendi modum.

Verum quia in appetitibus brutorum quandam etiam indifferentiam, & canem nunc hanc escam, nunc illam appetere cernebant, libertatem humanam in peculiari quadam indifferentia, quæ brutis non esset communis, constituere oportuit. Igitur rem tandem eò perduxerunt, vt vera hominis libertas consistat in quadam indifferentia æquilibrij, qua voluntas inter duo suspensa, sit in actu primo tam in vnam partem, quam in alteram oppositam expedita: adeò vt licet in dextrum latus nutu suo se determinet, æquè in sinistrum vergere potuisset; & cur id non fecerit, non alia est ratio, nisi quia non voluit.

B

Huc

Huc etiam quorundam Græcorum Patrum phrasēs s. Basil. eos traxerunt. Vt cum quidam aiunt ἐν τῷ κρυπτῷ ἑμῶν ζυγόν τινα εἶναι, in occulto nostro stateram quandam esse, aut quando liberum arbitrium vocant ἀδιάφορον, ἰσορροπῶν, τῷ ἀμφοῖν βᾶδιζον indifferens, æquilibrium, in utramque partem ambulans. In hoc ergo differt, inquiunt, voluntas humana ab appetitu brutorum, quod inter duo iudicia indifferens & pendula, possit in hanc aut illam partem omnibus iisdem positis, annuere ac se determinare, appetitus verò bruti non possit, sed in illam partem à qua stat imaginatio fortior, necessariò cadat; aut si utrimque imaginatio sit æquilibris, in medio hærebit, nec in vnam, nec in alteram partem seipsam determinare poterit. Hinc vulgatum illud de asino Buridani, qui inter duo præsepia plena ambiguus, fame miser contabescit.

C A P U T I V.

Æquilibrium voluntatis potest esse duplex.

Æquilibrium tamen voluntatis duplex intelligi potest. Vnum quando voluntas pari pondere habituum, aut inclinationum, quæ à concupiscentia, vel hominis complexionem oriri possunt, æqualiter in oppositas partes propendit.

Hoc verò voluntatis æquilibrium rarissimum est. Nam vix aut nunquam accidit, quin à superaddita aliqua inclinatione in vnam, quàm in alteram partem voluntas propensior sit. In tali ergo æquilibrio libertatem non constituunt: aliàs enim nullus penè voluntatis actus liber esset.

Alterum ergo æquilibrium est, quod à duobus aut pluribus iudicijs intellectus efficitur, quibus opposita utrumque obiecta voluntati ostenduntur. His enim duobus iudicijs voluntas indifferens, ut si in duobus, et ut in duobus inclinationum

clinationum inæqualia sint, æqualiter tamen in hanc aut illam partem se vertere, inquirunt, potest. Prius ergo *æquilibrium inclinationis*, posterius *æquilibrium iudicij* vocabimur.

Nec tamen ad hoc iudicij æquilibrium necesse est, ut intellectus utrumque obiectum æquè bonum esse iudicet, quod rarissimè fit, sed sufficit ut utrumque bonum & appetibile esse iudicetur. Per hoc enim voluntas satis suspensa & æquilibris esse intelligitur, ut *ἀντιστοιχία* & potestate sua libera, in utram libuerit partem, ut ipsi existimant, se inclinare possit.

In isto igitur posteriori iudicij æquilibrio libertatè non tantum humanam, sed Angelicam etiam, & diuinam constituere nouis Peripateticis placet.

C A P U T V.

Libertas indifferentia seu æquilibrij repugnat doctrinæ Aristotelis, S. Thomæ, Scoti.

Libertas tamen ista novorum Peripateticorum cum Præceptoris sui doctrina ex duobus capitibus aperte pugnat.

Primò, quia ad liberum actum voluntatis non est necesse, ut eodem momento quo voluntas eum elicit, duobus utrimque iudicijs suspensa sit. Secundò licet suspensa esset, necessariò tamen sequitur iudicium de eo quod majus est & eminet.

Utrumque Aristoteles disertè docet. *Consultabile & eligibile idem est*, inquit, *nisi quòd eligibile definitum iam sit.* ^{Arist. lib. 2. c. 5. hic.} Nam nihil est aliud quàm quod ex deliberatione antè est positum.

Definitur autem & quasi ante oculos voluntatis ponitur illud eligibile, quando omnibus antè perpensis & deliberatis, vnicò tandem iudicio practico decernitur hoc esse faciendum. Hoc enim Eustratius Aristotelis Commentator

B ij

explicans,

explicans; *Quamdiu consultamus*, inquit, *in dubio adhuc res est & indefinita*, cum verò eligimus, statuimus, & definimus quid agendum sit. Cessant igitur isto electionis momento omnes bilances, trutinæ & examina, quia finita est tota deliberatio, remanetque solùm iudicium vnicum practicum, cuius dictamen in appetendo voluntas sequitur.

Arist. Simul enim atque consultauiamus, inquit Philosophorum
ibid. Princeps, iudicamus, atque deinde secundum consultationem appetimus. Et cum quasi enarrans S. Thomas, *Terminus inquisitionis est id quod statim est in potestate nostra ut faciamus*. Sicut
S. Tho.
1. 2. q. enim finis habet. : tionem principij, ita id quod agitur propter
14. 4. 6. finem, habet rationem conclusionis. Unde id quod primò agendum occurrit, habet rationem ultimæ conclusionis. Sicuti ergo conclusio vltima syllogismi vnica est, ita iudicium quod claudit & terminat consultationem, non multiplex, sed vnicum esse debet. Quod evidentius adhuc est, vbi voluntas sine consultatione eligit vnicum mediũ, quod manifestè ad finem est vtilius. Nam electio, ait S. Doctor, *presupponit consiliũ ratione iudicij vel sententia*. Unde quando iudicium
S. Tho.
1. 2. q. vel sententia manifesta est absq; inquisitione, non requiritur consilij inquisitio. Et mox inde, *Ratio in rebus manifestis non inquit, sed statim iudicat, & ideo non oportet in omnibus qua ratione aguntur, esse inquisitionem consilij*. Igitur in talibus manifestis, vbi statim de vno medio euidenter vtilissimò vnicum formatur iudicium, voluntas non pluribus iudicijs suspenditur, sed vnico illo, in libero illius medijs amore se dirigit.

Scot. 2. Quod manifestè etiam Subtilis Scotus: *Volitio*, inquit,
d. 5. q. 2. quando elicitur à volente non requirit nisi vnã intellectionem, si sit volitio vnica. Intellectionem dico vnica distictam, quia plures intellectiones distictæ simul non possunt esse in intellectu. Et si possent, vna tamen sufficeret ad vnã volitionem eliciendã &c. Ergo deliberatio respiciens plures intellectiones non requiritur ad vnã volitionem. Et alibi cum Aristotele & S. Thoma negans, opus esse deliberatione & discursu in rebus manifestis,

nifestis, Facto iudicio, inquit, per cognitionem practicam voluntas eligit. Et quando voluntas eligit, ratio practica non dis-
scot 3. d. 18.
 currit, quia facta conclusionem practica sententiat de eligendo. Si
1.
 ergo sententia ultimata possit haberi sine discursu precedente, ita perfectè poterit voluntas eligere in instanti, sicut precedente discursu. Sed perfectus in cognoscendo non discurret; sicut artifex in citharizando perfectus non discurret in percutiendo chordas.

Ex quo patet, deliberationem in rebus obscuris non requiri, ut intellectus præparet voluntati duo iudicia, inter quæ liberum eius arbitrium vacillet & nutet, sed potius ut ad unicum ultimum perveniat, cui in eligendo voluntas se conformet. Imò verò implicat contradictionem, plura talia iudicia ultima in eodem intellectu simul consistere, inquit Cardin. Bellarminus; quia contradicentia sunt, omni-
Bellar. lib. 3. c. 8. de grat. & lib. arbit.
 bus consideratis hoc est melius, & omnibus consideratis hoc non est melius.

C A P U T V I.

Etiamsi in instanti electionis voluntas duobus utrimque iudicijs accincta esset, necessario tamen semper eligit quod eminet.

Huius enim sententiæ manifestus est Aristoteles. De liberatiua, ait, inest animalibus rationalibus. Verum
Arist. lib. 3. c. 11. de anima.
 enim ager hoc an illud, iam rationis est opus: καὶ ἀνάγκη αὐτῷ ἐνι μέτριν, τὸ μέζον γὰρ διαίχει, & necesse est semper uno metiri: maius enim profequitur. Ecce ut dicit, voluntatem profequi id quod maius iudicio intellectus apparet, & ideo necesse esse ut intellectus unâ quâdam communi mensurâ plura metiatur, ut discernere possit id quod est maius, & voluntati illud eligendum proponat.

Eadem S. Thomæ mens aperta, cum respondens ad objectionem de duobus medijs æqualibus voluntati propositis,

s. Tho Ad tertium dicendum, inquit, quòd nihil prohibet, si aliqua duo
1. 2. q. aequalia proponantur secundum vnam considerationem, quin cir-
13. a. ca alterum consideretur aliqua conditio per quam emineat, &
vis. magis flectatur voluntas in ipsum, quàm in aliud. Vbi iterum
 cernis, voluntatem oportere flecti ab intellectu in vnam
 partem magis quàm in alteram, ostendente in vno quippiam
 quo supra alterum emineat, aut pondus in vnam quam in
 alteram partem propensius faciat.

Idem ex Neotericis præter alios, Vasquez, negans vo-
 luntatem posse eligere id quod minus, aut etiam æquale
Vasq. 1. iudicatum est ab intellectu, sed semper id quod maius. Iu-
2. d. 43. dicitur enim consultationis, inquit, non potest esse de minori, aut
c. 2. aequali bono; ergo nec electio de minori aut aequali bono esse po-
 terit. Iudicium autem consultationis nunquam esse de aequali aut
 minori, patet, quia intellectus ex consultatione solum colligit &
 iudicat id quod melius est. Neque enim inter aequalia per con-
 sultationem concludit hoc esse sequendum, nec inter inæqualia id
 quod minus est, cum videt esse minus.

Quod etiam ex ipsa electionis definitione patere ait. Est enim
 electio, inquit, voluntas eius quod præiudicatum est. Id autem
 quod minus utile est, non est præiudicatum; ergo contra iudicium
 rationis non potest voluntas minus utile eligere.

Et alibi non de mediorem electione, sed de finium inten-
Vasq. 1. tione philolophans. Repugnat, inquit, ut voluntas in id
P. d. 98. consentiat quod minus cogitat & minus delectat, comparatione
c. 7. eius quod magis delectat & efficacius consideratur; sicut de ele-
 ctione minoris boni quod est medium ad finem, ex sententia S.
S. Aug. Thoma dicemus. Quod ex hac quoque S. Augustini, Quod
Epist. ad Galat. amplius nos delectat, secundum id operemur, necesse est, & alijs
 similibus eiusdem S. Doctoris sententijs confirmat.

Hoc idem fortiter Bellarminus propugnat. Et respon-
Bellar. dens ad illud quod aduersarij obiectare solent: quòd minus
lib. 3. c. utile sit re verâ utile, ac proinde sub ratione utilis possit à
R. d. grat. voluntate præponi magis utili: Voluntas quidem, inquit,
c. lib. arbit. haberet

haberet rationem, cur eligeret tale medium minus vtile, quia nimirum est vtile; non tamen haberet rationem ullam, cur omitteret aliud quod hic & nunc & simpliciter est iudicatum melius. Non enim nunc habet nisi vnicum vltimum iudicium, nec potest habere, quia contradicentia sunt, Omnibus consideratis hoc est melius, & Omnibus consideratis hoc non est melius.

Igitur impossibilia, aut saltem frustra sunt talia duo iudicia, cum voluntas non possit nisi vnum sequi, illud videlicet, quo iudicatur aliquid omnibus perpensis esse melius.

Ex quibus patet, opinionem Suarij, qui existimat voluntatem posse eligere æquale, vel etiam minus; & nisi hoc possit, non videre se, ait, quomodo sit libera, Aristoteli, S. Thomæ, imò S. Augustino manifestè aduersari.

*Suar.
tom. 1.
d. 19.
sect. 6.
Metaph*

Sed quid si igitur duo prorsus æqualia ab intellectu voluntati proponantur, quid eueniet?

C A P U T V I I.

Non tantum asinus Buridani, sed homo perplexus hærebit, si voluntas eius suspendatur duobus iudicijs præclicis, perfectè æqualibus.

FAmosus est in Scholis asinus Buridani, qui inter duo plena præsepia pari interuallo distantia, si vtrumque simul aspiciat, hærebit perplexus, & fame contabescet. *Ego etiam noui hominem amentem, ait Medina, qui propositis duobus pomis in æquali distantia, cruciabatur vt comederet, & non poterat, nisi ab aliò applicaretur potius ad vnum quàm ad alterum.*

*Med. 1.
2. 9. 13.
d. 2.*

Sed etiam de homine sani sincipitis & mentis, idem existimant Anaximander & Aristoteles. Dicunt enim, quòd si homo quispiam pari fame ac siti anhelus, inter cibum potumque, æquo vtriusque interuallo medius collocaretur,

17. 17

Arist. Τὸν ἡγεμῶνα ἀναγκᾶν τalem necessarîo quiescere, ac hæere immobilem & perplexum; cùm nulla sit ratio, cur potius ad cibum quàm ad potum, aut contrà pedē promoueat. Supponit enim vterq; Philosophus, non tantum interualli utriusque spatia, sed etiam iudicia duo quibus cibi potusq; appetibilitas voluntati obijcitur, esse vtrimq; omninò paria. Nec est, quòd quisquam eos de asino Buridani, aut animali bruto interpretetur. Nam masculina vox Τὸν id refellit; nec vllum indicium est quod illud exemplum ad bestiam, aut hominem emota mentis restringat. Vnde apertè idem S. Thomas existimat. Nam postquam sibi ex Aristotele illud idem exemplum obieciisset, Si aliqua duo sint penitus equalia, non magis mouetur homo ad vnum quam ad aliud: sicut famelicus si habeat cibum equaliter appetibilem in diuersis partibus & secundum equalē distantiam, non magis mouetur ad vnum quam ad alterum: ergo si proponantur duo vel tria inter quæ vnum maius apparet, impossibile est aliquod aliorum eligere, Non respondet, quòd homo ille pro arbitrij sui libertate ad hunc; aut ad illum cibum se vertere possit, sed Quòd nihil prohibeat si aliqua duo equalia proponantur secundum vnā considerationem, quin circa alterum consideretur aliqua conditio per quam emineat, & magis flectatur voluntas in ipsum quàm in aliud. Vnde manifestè significat, quòd si nihil ostendatur quod emineat, sed iudicia vtriusque in perfectò æquilibrio sint suspensa, voluntas quoque pendula & æquilibris semper hærebit. Quapropter Medina, Si intellectus, inquit, proponat voluntati duo equalia bona, & imperium intellectus sit equalē, sic vt non propendeat magis in vnā partē quàm in alterā, nunquā mouebitur voluntas. Et hæc est sententia D. Thomæ in solut. tertij. Sententiam autem D. Thomæ ad iudicia duo ultima practica, siue imperia intellectus, equalia restringit, Quia si intellectus, inquit, proponat voluntati duo equalia bona, & imperium intellectus sit inæqualē, potest voluntas vnum eligere & alterum refutare. Nam jam habet imperium intellectus

Medin.
ibid.

S. Tho. 1.
2. q. 13.
a. 6.

Elus, à quo determinatur potius ad vnum quàm ad alterum.

Eandem quoque voluntatis perplexitatem & pensile æquilibrium, ex sententia S. Augustini, Vasquij, Bellarmi-
ni. cap. superiori citatâ, consecutaneum esse oportet. Homo
tamen sanæ mentis facilius quàm asinus Buridani à nexibus
huius perplexitatis se expedit, quia infinitò maior est sphæ-
ra humani intellectûs quàm asininæ imaginationis, & innu-
meras rationes invenire potest, quibus vnum supra reliqua
eminere faciat. Et hanc saltem semper paratam habet, Ne
voluntas otiosa maneant, aut vt alij dicunt, Vt voluntas suam
libertatem ostendat. Quam rationem intellectus in vno
tantum extremo, non in altero considerare potest. Vnde
casus ille perplexitatis in homine sani capitis moraliter est
impossibilis.

In eadem doctrina fundatur vulgare illud Peripatetico-
rum axioma, *Ab eo quod est ad vtrumlibet non sequitur actio,* ^{S. Tho.}
nisi ab aliquo alio ad effectum determinetur. ^{1. p. 7.} Quod in causis ^{19. a. 3.}
etiam liberis locum & veritatem habere Theuistijs, Auer-
roes, S. Thomas & alij passim non dubitant. Vnde Peripate-
ticorum sensuum diligens inuestigator P. Pomponatius asse-
rit, Aristotelem & veteres Peripateticos existimasse, *Volun-* ^{Pompo-}
tatem humanam eodem modo se habentem non posse in opposita. ^{nat. lib.}
Nec tamen ideo perditam putauit Aristoteles humanam li-
bertatem, imò verò *Τὸν πραξέων ἀπ' ἀρχῆς μέχρι τέλους κυρίου εἶναι,* ^{Arist.}
nos actionum nostrarum à principio vsque ad finem dominos esse ^{lib. 3. c.}
^{8. Ethic.} confitetur.

CAPUT VIII.

*Aristoteles & veteres Peripatetici vnico iudicio practico
ultimo voluntatem ad electionem liberam
determinari censuerunt.*

Voluntas quippe ferri non potest in incognitum. Nec quomodolibet cognosci sufficit, vt ipsa se movere possit. Debet enim iudicari. Nam ideo consultatio instituitur, vt ad iudicium & sententiam intellectus perueniatur, qua voluntas in appetendo se dirigat. Si enim sola apprehensio intellectus ad excitandum affectum voluntatis satis esset, *maximam delectationem sibi comparare facillime quivis posset*, ait bonus Medina, *quia potest facillime apprehendere, se esse Archiepiscopum Toletanum, aut Pontificem Summum.*

Arist. lib. 3. c. 9. de ani. ma. Sed nec iudicium speculatiuum ad mouendam voluntatem sufficit: *quia intellectus speculatiuus*, ait Aristoteles, *nihil intelligit practicum, neque dicit περί φύλης καὶ διακλῆς de fugiendo & prosequendo quidquam.* Ac postea: *Sed neque cum speculatur aliquid huiusmodi, ἥδη κελεύει φεύγειν ἢ διώκειν*, iam iubet fugere aut prosequi. *Quemadmodum sapē intelligit terribile aliquid, non iubet autem timere.*

Arist. lib. 6. c. 8. Ethic. Vbi apertē vides, non satis esse ad terrorem & fugam, vt res aliqua terribilis voluntati proponatur, nisi iussio quædam accedat, quā fugienda practicē iudicetur & fuga imperetur. *Decretum enim vltimum, Agenda res est*, ait alicubi. Et nonne vniuscuiusque nostrum experimento satis etiam erit compertum, si oculos mentis in sinum nostrum, & intimos animi motus reflectere velimus?

Idem lib. 6. c. 11. 2 ibi. Hinc est, quod alicubi Aristoteles τὴν φρόνησιν prudentiam, quæ talia iudicia practica tanquam actus proprios elicit, τὰ ἐπιτακτικὰν *præceptivam* appellet, τὴν δὲ σύνεσιν *criticam* μόνον, *synefin*

synesis verò (quam quidam perspicaciam vertunt) iudicium tantum. Vnde *synesis* ad mouendam voluntatem non sufficit, etiamsi de rebus agibilibus iudicium ferat. Ideoq; *synesis* à prudentia distinguens S. Thomas, quia contingit s. Tho. quandoque, ait, quod bene iudicatum est, differri, vel negligenter agi aut inordinatè, ideo post virtutem *synesis*, quæ est bene iudicatiua, necessaria est finalis virtus principalis, quæ est bene præceptiua, scilicet prudentia. ^{2. 2. 9. 51. a. 3.}

Præceptum autem hoc finale prudentiæ non in genere, sed in particulari, de hoc hic & nunc faciendo, ferri ab intellectu debet, *ὅτι πρόνοιας τὸ ἰσχυρὸν ἐστίν, τὸ γὰρ πρᾶξιόν ἐστι δόλος*, ^{Arist. lib. 6. c. 9. Ethic.} quia prudentia est vltimi, singularis & determinati; tale quippe est id in quod actio cadit, ait egregiè Aristoteles.

Hinc alibi quoque docet, vt voluntas mea appetat, non satis esse, vt intellectus ei generaliter dicat, hoc viro sapienti faciendum esse, sed hoc mihi hic & nunc faciendum est. Cum enim, inquit, existimatio alia sit vniuersalis, alia singularis (illa enim dicit, quòd oporteat talem tale agere, hæc autem, quòd hoc tale, & ego talis :) iam hæc opinio mouet, non ea quæ vniuersalis. ^{Arist. lib. 3. c. 11. de anima.} Ecce, vt iudicium illud vniuersale, Oportet talem (v. g. virum sapientem) tale agere (puta, sobriè viuere) non moueat voluntatem; sed istud singulare, Oportet hoc tale agere, & ego talis: personam scilicet & actionem singularizando. Quasi dicat, oportet me qui sapiens sum aut esse volo, hoc nunc agere.

Et nisi hæc Aristotelis doctrina verissima sit, non est opus virtute prudentiæ ad dirigendos virtutum moralium actus, sed scientia moralis de virtutibus & vitijs abundè sufficiet.

Experientia quoque consentit, si quis profundè se inspiciat, & vltimam rationem & iudicium suum scrutetur, per quod in actionem volendi, tanquam per gradum nouissimum, descendit. Licet enim iudicia ista practica humanæ mentis, res lubricæ & fugitiuæ sint, quæ ante ad-

uertentiam nostram plerumque elabuntur; possunt tamen etiam deprehendi ab eò qui attentè & compressè seipsum introspererit.

C A P U T I X.

Voluntas necessariò, seu infallibiliter ultimo iudicio practico se conformat.

MUltis locis hoc asserit & differit Aristoteles, sed duos tresue seligemus.

Arist. In practicis, inquit alicubi, necesse est ut anima lib. 7. c. statim agat. Veluti si omne dulce gustandum est, & hoc est dulce; 3. Ethic. necesse est, ut qui potest & non prohibetur, simul hoc quoque agat.

Et cum enarrans vetus Scholiastes Aspasius: In effectivis, inquit, quod concluditur, non dicendum, sed agendum est. Ut si dicam, Hoc dulce est, omne autem dulce gustare oportet, ergo hoc gustandum est. Quia enim quod concluditur, ex particularibus & agendis est, necesse est ut is qui id colligit, si potest & non impeditur, simul hoc agat & illud dulce degustet. Et alter eius Interpretes Eustratius: Vbi intellexerimus, inquit, agendum id nobis esse quod mens consultavit & elegit, una cum ratione appetitio quoque incitatur, ac desinit deliberatio. Et alicubi antè: Vbi mens consultans assensione quippiam elegerit, voluntas que est appetitio ipsam consequitur, simulque cum ea incitatur.

Eustrat. lib. 3. c. 3. Ethic. *Ibid.* c. 2.

Vbi cernis voluntatem simul cum ultimo iudicio practico, ad appetendum excitari; & quidem tam raptim & precipitanter, ut à minore propositione huius antecedentis, Omne dulce gustandum est, Hoc autem est dulce, non expectato, ut conclusio suo ordine interijciatur; sed vno quasi saltu ad conclusionem, seu iudicium practicum ultimum, ad appetitionem voluntatis, & ad executionem (si executionem eo in omento exercendam decretum fuerit) anima decurrat. Hoc enim est quod ait Aspasius, Quod concluditur non dicent-

non dicendum, sed agendum est. Siue, cùm contextitur hic syllogismus: *Omne dulce est gustandum, hoc est dulce, ergo hoc est gustandum*, non oportet expectare, vt præcedat tempore ista conclusio syllogistica, *Ergo hoc est gustandum*, sed simul ista tria fiunt, & in vnum quasi συμπερασμα (quod complexam conclusionem possis interpretari) conuoluuntur. Vnde Aristoteles antè aiebat, quòd illicò post istam minorem, *Hoc autem est dulce*, non tantùm fieri possit, sed necesse sit vt qui potest & non prohibetur, simul hoc quoque agat; id est, non solum iudicet sibi hoc esse gustandum, sed etiam gustare appetat, & ipso facto gustet, nisi quis impedimentum interijciat. Ac eòdem vadit quod alibi ait: In practicis τὴν *Arist.* τελευταίαν πρότασιν κυρία τῶν πράξεων ἵνα, *minorem syl-* lib. 7. c. 5. *Ethic.* *logismi propositionem, dominam operationum esse.* Nam statim nullà interiectà morà, à tali minori propositione, tanquam à domina imperante, & iudicium practicum consequentis, & appetitio operationis, & ipsa operatio in idem instans precipitantur.

Sed illustri alio loco etiam ostendamus.

Docet syllogismum speculatiuum à practico in hoc distinguui, quòd speculatiui conclusio sit finis & clausula vltima totius syllogismi, in syllogismo practico autem post duas præmissas, συμπερασμα γίνεσθαι πράξεως, *conclusio sit operatio.* Quod exemplo probat. Nam si quis nouerit, quòd omni *Arist.* homini est ambulandum, & ipse sit homo, illicò ambulat. Si autem *c. 7. de motu animal.* quòd nulli homini ambulandum est, ipse autem sit homo, illicò quiescit. Ex utrumque facit, nisi ab aliquo prohibeatur, aut cogatur.

Deinde in alio exemplo: Quo indigeo id mihi faciendum est, tunica indigeo, ergo tunica mihi facienda est. Et ea, inquit, conclusio (Tunica mihi facienda est) est operatio.

Vbi acutissimus Philosophus dicit, talem syllogismum practicum non stare & finiri in conclusione sua syllogistica, sicut syllogismus speculatiuus, sed vsque ad appetitionem

C ii]

& opera-



& operationem ipsam illicò decurrere ; sic ut operatio ipsa exterior sit vltima pars quasi conclusionis , in qua totus syllogismus practicus tandem conquietit.

Cùm autem dicit , hoc consequens syllogisticum , *Ergo tunica mihi facienda est* , esse ipsam $\pi\rho\acute{\alpha}\xi\iota\nu$ operationem , intelligit causaliter , vt omnes interpretes consentiunt : quia nempe illud consequens determinat sine mora & infallibiliter voluntatem ad appetendum operationem , & mediante appetitione , ad eam exercendam , si operatio iam iam exercenda decernatur. Apertè enim ait , $\delta\rho\epsilon\acute{\xi}\iota\nu\tau\grave{\alpha}\nu\iota\sigma\chi\acute{\alpha}\tau\eta\nu\acute{\alpha}\tau\iota\alpha\nu\tau\grave{\epsilon}\kappa\iota\nu\epsilon\acute{\iota}\delta\alpha\iota\epsilon\iota\nu\alpha\iota$, appetitionem esse vltimam causam motûs , siue à qua vltimò & proximè motus progressius animæ aut operatio externa imperatur.

Igitur ex doctrina Philolophi , consequens syllogismi practici mentalis , & appetitio , & externa operatio in vnum $\sigma\upsilon\nu\pi\epsilon\rho\alpha\sigma\mu\alpha$, siue complexam conclusionem conuoluuntur , cuius extrema pars est externa operatio , totius syllogismi practici agmen claudens. Et hoc sanè ideo , quia licet consequens syllogismi , siue iudicium vltimum practicum causalitate antecedit appetitionem , & appetitio externam operationem , in idem tamen temporis momentum coincidunt ; iudicium quidem practicum & appetitio semper , operatio verò externa interdum solùm , quando scilicet non vt differenda in aliud tempus appetitur.

Ratio verò , cur appetitio necessariò seu infallibiliter iudicium practicum sequatur , est , quia eadem est anima quæ per intellectum hoc sibi faciendum iudicat , & quæ per voluntatem facit , siue appetit. Imò fortasse intellectus & voluntas non sunt potentiæ ab anima aut inter se distinctæ , adeò vt voluntas sit intellectus extensus ad habendum aut faciendum quod cognoscit , vt Scaliger loquitur. Vel vt apertius Marsilius , *Anima hominis in quantum cognoscit sine organo corporeo vocatur intellectus ; in quantum autem cum illa cognitione nata est appetere , vocatur voluntas.*

Hinc

Tul. Sc.
lig.
L. xer.
107.
Marsil.
9. 16. a.
3.

Hinc ergo, cùm anima per iudicium intellectus facien-
 dum, aut appetendum aliquid sibi imperat, illicò necessa-
 riò paret, quia non alteri imperat cuius voluntatem in sua
 potestate non habeat, sed sibi ipsi. Quod est apertissimum
 Philosophi dogma: *In practicis ἀνάγκη necesse est vt anima* *Arist.
lib. 7. c.
5. Ethic.*
 statim agat. Veluti, si omne gustandum &c. vt initio huius
 Cap. recensuimus.

Quod totis ingenij & multorum argumentorum viribus
 approbat quoque Card. Bellarminus. *Voluntas*, inquit, *Bellar.
lib. 3. c.
8. de
grat. &
lib. arb.*
*necessariò eligit id quod vltimum iudicium practicum determina-
 uit esse eligendum. Nam voluntas non potest aliquid velle sine
 precedenti iudicio rationis: ergo si iudicium sit indeterminatum,
 & ipsa erit indeterminata; si iudicium determinatum sit, & ipsa
 determinata erit. At iudicium vltimum practicum est omninò
 determinatum. Probat vltèrius: Nam si cùm iudicium est pla-
 nè determinatum ad vnum, voluntas possit aliud eligere, aut
 illud non eligere; nulla reddi poterit ratio, cur voluntas elegerit
 aliud non iudicatum, aut aliud iam iudicatum non elegerit: at-
 que ita dabitur electio sine iudicio, & actio sine obiecto, quod
 fieri non potest.*

Vnde censet Suarij- & nouorum Peripateticorum opi-
 nionem esse impossibilem. Et profectò si res pressè & at-
 tentè cogitetur, ratio Bellarmini est demonstratiua. Nam
 vnicum est iudicium vltimum practicum dictans, hoc om-
 nibus consideratis esse faciendum. Non potest ergo volun-
 tas eo momento eligere aliud de quo intellectus nihil iudi-
 cat. Sed nec etiam cessare liberè ab huius iudicati electio-
 ne, quia libera cessatio & suspensio actus, vt postea à nobis
 etiam probabitur, sine aliqua ratione & precedenti iudicio
 fieri non potest.

Confirmat deinde exemplo amoris beatifici. *Voluntas
 enim Beatorum*, inquit, *etiam quoad exercitium determinata est
 ad vnum quoad appetitum vltimi finis, quia rationis iudicium
 representans illum finem tantum sub ratione boni, semper est
 præsens,*

presens, & perfectè applicatum mentibus Beatorum: ergo à simili, in quacumque re particulari eligenda, voluntas erit determinata ad unum quoad specificationem & quoad exercitium, & re ipsa necessario eliget, quando aderit presens iudicium practicum particulare, diclans hic & nunc absolute omnibus consideratis, hoc est eligendum. Nam tale iudicium repræsentat rem tantum sub ratione boni pro eo tempore, ut est presens & perfectè applicatum.

Quæ demonstratio iterum in eo fundatur, quòd voluntas assistente sibi unico iudicio practico ultimo, non habet eo momento, quò aliò se vertere possit, nec etiam liberè suspendere actum valeat, quia ad talem suspensionem aliqua ratione motiua (quæ tunc abest) est opus.

C A P U T X.

Quare anima in appetendo indiget iudicio practico, quo iudicet, sibi persuadeat &, imperet, hoc esse faciendum.

HAnc in primis esse naturam voluntatis asserere possumus, quia quisquis in fundum animæ suæ regreditur, inuenit se tale iudicium elicuisse antequam aliquid appetierit.

Patet id manifestè, quando objectum aliquod ab intellectu apprehenditur & iudicatur bonum, sed tamen voluntas adhuc suspensa manet & vacillat, donec intellectus ad iudicium ultimò practicum de hoc appetendo, aut faciendo descenderit, & se voluntati eò usque ducem præbuerit. Vnde si talis suspensus & vacillans rogetur, cur illud bonum non appetierit, respondebit, quia id mihi faciendum nondum iudicaui. Vnde nobiscum Bellarminus: *Nemo est, inquit, qui, si queratur ab eo, cur aliquid agat, non respondeat, quia iudicat ita esse faciendum.*

Deinde

*Bellarmino
lib. 2. c.
8. de
grat. &
lib. arbit.*

Deinde nisi ad eligendum & appetendum, iudicio pratico tali est opus, non est necesse consultationem aliquo iudicio & sententiâ terminare, sed voluntas durante adhuc consultationis æstu, poterit ante sententiam intellectus eligere: quod Aristoteli, & omnibus veterum sapientium Scholis repugnat.

Tertiò, Non opus erit prudentiâ ad virtutum moralium regimen, sed sufficiet scientia moralis, per quam de honestate virtutum & de turpitudine vitiorum iudicamus. Vnde re verâ sententia nouorum Peripateticorum virtutem prudentiæ cœtu virtutum cardinalium expungit, & iustitiam, fortitudinem, temperantiam aurigâ suo destituit. Prudentiæ enim officium est *πειράσθην* *præcipere*, quod facit, non hærendo in vniuersali, aut iudicando hoc etiam singulare esse bonum, sed iudicando hoc in particulari hic & nunc esse à me faciendum. Debet enim λέγειν τι περὶ φευκῆς ἢ διακινῆς, *dicere aliquid de fugiendo, aut prosequendo*, inquit Aristoteles. Quod explicat deinde per καλεῖσθαι φεύγειν ἢ διώκειν, *iubere fugam aut prosecutionem*. Hoc autem nec Ethica, nec vlla alia scientia facit. Nam vt ipse alibi, τὸ πειραμονικὸν οὐ κινεῖ, ἀλλὰ μένει, *scientificum non mouet, sed manet*. Arist. lib. 3. c. 9. de anima.

Quartò, conditio & excellentia naturalis animæ rationalis postulat, vt seipsam mouere per voluntatē non possit, nisi prudentiâ quadam aut spiritus aut carnis præeunte, qua sibi ipsi per intellectum dicet hoc esse faciendum, aut omittendum. Nec impotentia ad se aliter mouendum, ex imperfectione, sed potiùs ex perfectione eius prouenit. Vnde nec Angelica, nec diuina voluntas aliter quàm prudentiâ ante ipsam gradiente, se mouet. Plurima enim sunt non tantum apparentia, sed etiam verè bona, quæ appetere non expedit. Vnde meritò naturalis prouidentia & circumspèctio, ut sic dicam, cæcæ voluntatis flagitat, non amare aliquid, etiam si intellectus bonum illud esse ei denunciet

D

nunciet

nunciet, nisi per iudicium prudentiæ, aut quasi prudentiæ, amandum etiam esse intimetur. Quod etiam in appetitu brutorum, suo modo licet imperfectiori, verum habere

8. Tho
1. p. q. 83.
a. 1.

S. Thomas existimat. *Iudicat enim, inquit, ovis videns lupum, eum esse fugiendum (non tantum esse nocivum) naturali iudicio & non libero, quia non ex collatione, sed ex naturali instinctu.* *Etu hoc iudicat.*

1. 2. q.
17. a. 1.

Eandem doctrinam experientiâ firmat Medina: quia sunt quàmplurimi homines qui rectè consulunt, & rectissime iudicant quid factu opus sit, & tamen difficultate rei perterriti non imperant operis executione. Deinde licet Prælati iudicet aliquid esse convenientissimum, & quidem iudicio certissimo, nondum præceptum est, cui ego teneat obedire.

Inde est, addit, quòd cum Aristotele vniuersi alij Philosophi in hoc constituent & definiant omnem virtutem in eo esse positam, ut voluntas obediat rationi. Imperare enim, Auctore Aristotele, est intellectus, in quo residet prudentia, quæ imperantis in nobis locum obtinet. Nam eadem ratione qua Senator consilij Rempregit, prudentia in nobis tum sibi tum alijs modum agendi præscribit ac præcipit.

Suar.
tom. 1. d.
19. sect.
6. Me.
cap. 1.

Peccant ergo in Philosophiam moralem noui Peripatetici, cum aiunt sufficere ad electionem illud iudicium quo medium hoc indicatur utile, & pensatis omnibus, aptum ut eligi possit. Et idem est, addit Suarez, de quolibet obiecto, quòd scilicet indicetur sufficienter bonum, ut amari possit. Et probat similitudine. Nam sicut, ut visus, inquit, ferri possit in obiectum, non est necesse quòd applicetur ut visum, aut ut videndum, sed ut visibile; ita ut voluntas moueatur ab obiecto, satis est quòd proponatur ut diligibile, quamuis non indicetur omnino diligendum.

Veruntamen tota hæc doctrina in Aristotelis Lyceo falsa, ut etiam ex superiori cap. VIII. intelligere licet, & virtuti prudentiæ iniuriosa est. Nec exemplum visus est ad rem. Nam simili argumento probaretur, voluntatem cæcam non indigere duce, quia visus non indiget. Sicut ergo
anima

animā non se ad volendum mouet, nisi præeunte iudicio intellectus, quia voluntas eius cæca est; ita quia naturaliter, vt sicut dicam, prudens est, non se mouet, nisi idem intellectus iudicio practico vltimo tanquam consiliarius ei dicat, hoc faciendum esse.

Nec tamen necesse est, vt hoc iudicium intellectus super actum à voluntate eliciendum semper expressè cadat, dicatque intellectus voluntati, Huius actionis appetitio à te elici debet. Sed sufficit actionem externam à voluntate imperandam directè intueri, & eam suadere, dicendo, ambula, scribe, aut ambulandum est, scribendum est &c. Modò enim anima sub potentiā voluntatis delitescens, hoc per iudicium practicum cognoscat, satis à naturā suā docta & instructa est, vt naturali & necessario medio ad illam actionem externam imperandum vtatur: quod medium, est actus per voluntatem elicited, quo anima ambulationem aut scriptionem appetit & imperat.

CAPUT XI.

Quidnam sit imperium quod Aristoteles & Philosophi morales vltimo iudicio practico attribuunt.

Sed quid Gerundium istud, *faciendum*, significat, inquirunt, vbi intellectus voluntati, hoc aut illud faciendum esse dicat? Videtur enim necessitatem aliquam significare, ac proinde tale iudicium practicum, falsum esse; cū non sit necessarium, sed contingens, hominem ambulare, quando intellectus ambulandum esse dicat.

Sed dicant mihi prius, quid apud Aristotelem in lingua Græca, βαδιστον & ποιητον significant, cū ait, βαδιστον ἀνθρώπῳ *ambulandū est homini*, & τὸ ἱμάτιον ποιητον *tunica facienda est*; dicam & ego, quam vim in Latina & quauis lingua similia Gerundia habeant. Omnes enim nationes simili phrasi loquuntur, etiamsi nullā in talibus actionibus neces-

D ij

sitatem

*Aristo
c. 7. de
motu
animal.*

fitatem se pati existiment. Non ergo Gerundium istud, *faciendum*, aliud significat, quàm actionem futuram cum certo quodam imperio, quale S. Thomas & omnes Philosophi morales prudentiæ attribuunt. Vnde idem iudicium practicum cum suo imperio, clariùs in modo imperatiuo per istam orationem, *fac hoc*, quàm in indicatiuo addito ex parte prædicati Gerundio, *Hoc tibi est faciendum*, exprimitur. In illa quippe oratione, *fac hoc*, nulla necessitatis significatio apparet, quam primo aspectu ingerere videtur Gerundium. Imò etiamsi Gerundium necessitatem significaret, nisi sic explicetur, vt imperium etiam inuoluat, quod in hac oratione imperatiua relucet, *fac hoc*, non est idoneum vt vim iudicij vltimi practici & imperantis exprimat. Vnde quia imperium istud in oratione Gerundiua indicatiui modi non satis epparet, S. Thomas negat eam ad iudicij illius vltimi significationem sufficere.

S. Tho. Ratio enim potest, inquit, intimare aliquid vel denunciare
 1. 2. 1. dupliciter. Vno modo absolute. Qua quidem intimatio exprimitur
 17. a. 1. per verbum indicatiui modi: sicut si quis alicui dicat, *Hoc est tibi faciendum*. Aliquando autem ratio intimat aliquid alicui mouendo ipsum ad hoc. Et talis intimatio exprimitur per verbum imperatiui modi: puta cum alicui dicitur, *fac hoc*. Et hanc solam vltimam intimationem sufficere & necessariam esse existimat ad iudicium practicum quo voluntas proximè mouetur ad appetendum. Vnde quando ista oratione, *Hoc est tibi faciendum*, dicitur exprimi iudicium vltimum practicum, Gerundium, *faciendum*, imperium, non necessitatem significare debet. Aut si necessitatem etiam admisceri velint, debet solum intelligi necessitas, quæ sit debitum quoddam conuenientiæ mediij ad talem finem. Vt ista oratio, *Hoc est tibi faciendum*, habeat hunc aut similem sensum, Vt prudenter, aut conuenienter opereris, debes hoc facere. Et quia non tantum hoc singulare sed plura alia media possunt esse vtilia ad eundem prudenter operandi finem, ideo verbum, *debet*

debet, non debitum strictum, & ad hoc singulare restrictum, sed debitum laxius & solius conuenientiæ significat. Interrogetur enim omnis homo rationis compos rusticus, aut urbanus, quid mente concipiat, cum sibi imperans dicit, *Hoc est mihi faciendum*, vel, *Debeo hoc facere*; nullam maiorem necessitatem, aut strictius debitum quam conuenientiæ se intelligere dicet, quoties per varia media prudenter operari poterit. Propter tamen salebras in quibus Philosophi hic hærent, aliqua addere oportet. Quidam enim in primis aiunt, *intelligi non posse in intellectu actus impulsus voluntatis, nisi per modum iudicij*; & quidquid aliud fingitur, & gratis asseritur & explicari non potest, quid sit, & est extra rationem intellectus, qui essentialiter & adæquate est potentia cognoscitiua & iudicatiua, & ideo non potest habere actum, nisi per modum apprehensionis, vel iudicij.

Suar.
tom. 1. d.
19. scilicet.
6. de
cap.

Respondet Medina, Quod imperium nec sit notitia apprehensiuæ, nec iudicatiuæ, sed imperatiuæ. Multi enim actus, inquit, inueniuntur in intellectu, qui nec sunt apprehensiuæ, nec iudicatiuæ. Huiusmodi sunt oratio, promissio. Vel dicatur, ait, quod imperium reducatur ad iudicium. Est enim veluti conclusio, & velut iudicij vltima sententia.

Medin.
1. 2. q.
17. a. 1.

Quod posterius magis placet. Imperium enim istud intellectuum, est re verâ iudicium quoddam & assensus intellectus, qui modo tendendi in obiectum suum, ab assensu speculatiuo essentialiter differt. Licet enim ista oratio, *Fac hoc*, non sit expressè enunciatiuæ, implicitè tamen æquiualeat huic, *Impero vt hoc facias*. Nam sicut nuda apprehensio connexionis inter extrema propositionis, ita considerat eam, vt nondum existere iudicet; iudicium verò speculatiuum addit vlteriùs, illam connexionem re verâ ibi existere, dicendo, *Hoc est istud*: ita iudicium vltimò practicum dicit non tantùm, *Hoc ita esse*, sed addito imperio, quo hoc executioni mandari præcipit. Nam ideo Aristoteles prudentiam *πραξιλικὴν* præceptiuam appellat. Quod explicans

Arist. lib.
6. c. 11.
Ethic.

S. Thomas, ait inter tres actus prudentiæ; quorum primus
 est *consiliari*, secundus *iudicare de inuentis*, tertius *præcipere*;
 hunc ultimum, qui consistit in applicatione consiliatorum &
 indicatorum ad operandum, esse principalem, quia est pro-
 pinquior fini rationis practicæ, siue praxi ipsi, ad quam ratio
 practica seu prudentia tanquam ad finem ordinatur. Vnde
 qui negant in iudicio practico imperium quoddam includi,
 destruunt principalem prudentiæ actum, qui est imperare
 siue præcipere; & proinde propriam προήσκεις prudentiæ
 virtutem, prout ab ευβουλίας consiliatrice, & συνίσει iudica-
 trice distinguitur, è cœtu virtutum moralium, contra
 Aristotelis & omnium sapientum sententiam, exterminant.
 Licet aut non facilè sit explicare rationem imperij quod
 prudentia in voluntatem exercet, negare tamen non opor-
 tet, quia in omnibus fermè intellectûs & voluntatis nostræ
 actibus hoc usu venit, vt magis existentiam eorum expe-
 rientiam percipiamus, quàm essentiam ratione penetremus.
 Nam intellectum longè aliter affici in nuda apprehensione
 alicuius obiecti complexi, quàm in assensu eiusdem, apertè
 sentimus: sed essentias illorum actuum non aliter distin-
 guere possumus, quàm dicendo & confusè balbutiendo,
 aliam esse tendentiam qua vnus, & qua alter in idem pro-
 fus obiectum incurrit. Propter quas diversas tendentias,
 vna cognitio apprehensiva, altera adhæsiua, à quibusdam
 appellari solet.

Occam.
 Gabriel
 Eccl. 1.
 Proleg.

Simili modo in actibus voluntatis, primam & simplicem
 boni complacentiâ à prosecutione efficaci, per diuersas, &
 in confusa nebula cognitæ tendentias distinguere solemus.
 Apprehensio enim intellectûs similis est simplici compla-
 centiæ voluntatis, & iudicium prosecutioni. Vt enim præ-
 clare Aristoteles, ὁπρὲν διανοία κατὰφασις καὶ ἀπόφασις, τὸ εἶναι
 ὁρᾷ διέξει καὶ φυγῇ, Quod in intellectu affirmatio & negatio,
 hoc in appetitu est prosecutio & fuga.

Arist.
 lib. 6. c.
 2. Ethic.

Qua egregia Philosophi sententia longè refelluntur
 quidam

quidam noui Peripatetici, qui iudicium, siue assensum intellectûs, ab apprehensione copulæ inter extrema propositionis, non distinguunt, varietatem operationum intellectûs confundentes, & nobilissimam capacissimamque animæ facultatem ad angustias paucorum actuum redigentes. Sicut enim simplex complacentia boni in voluntate, longè distat ab eiusdem efficaci prosecutione, ita in intellectu, nuda apprehensio veri ab eius affirmatione.

Pari igitur modo, imperium practicum intellectûs, per tendentiam aliam, confusè solùm nobis cognitam, à iudicio speculatiuo eiusdè obiecti distinguere possumus. Quia enim tam abditarum rerum conceptus proprios, quibus eas in se intueamur, in hac vita mortali non habemus, tantùm hoc dicere possumus: Quòd sicut apprehensio in iudicio speculatiuo virtualiter saltem, & altiori quodam modo continetur, ita iudicium in imperio practico. Iudicium autem speculatiuum vocant Aristoteles & S. Thomas illud omne quod in se imperium non inuoluit, licet aliàs supra rem practicam cadat. Vnde iudicium, quod finitâ consultatione de medio vno inuento & eligendo elicitur, adhuc *ad S. Tho. rationem speculatiuam & synesin pertinet, vt docet S. Tho. 2. 2. q. 47. a. 8.* *Sed practica ratio, inquit, quæ ordinatur ad opus, procedit vltèrius.* Quòusq; autem? Nempe vsque ad imperium & ἐπιταξιν *præceptum, quo προνοια prudentia propriè dicta voluntatem vltimò tandem & proximè mouet, si omnia ex parte potentia ei adsint quæ habere debet. Nam electiones sunt in nobis, supposito tamen diuino auxilio, ait S. Thomas. Vnde patet, cur tale imperium iudicium vltimum practicum appelletur; nempe, vt à superiori iudicio synesis distinguatur, quod etiam practicum à quibusdam vocatur, quia de re practica fertur, sed absolute, vt loquitur S. Thomas, non mouendo ad hoc, nec dicendo, fac hoc.* *Idem 1. 2. q. 17. a. 1.*

Hinc in isto syllogismo Aristotelico, Quo indigeo, hoc mihi est faciendum, Tunica indigeo, Ergo tunica mihi est facienda:

Arist. e. 7. de motu animal.

facienda : ista conclusio adhuc censetur pertinere ad σύνεσις
 χρητικὴν *synesin iudicariam* & speculatiuam, aut saltem ad ra-
 tionem practicam non vltimam, nondum autem ad φρόνησιν
 ἐπιτακτικὴν, *prudenciam praeceptiuam*: quæ descendit vltcriùs,
 & dicit, Ergo tunicam fac. Quod est iudicium vltimò pra-
 cticum, iudicium scilicet imperium simul inuoluens. Licet,
 vt antea monui, tales conclusiones, Tunica mihi est facien-
 da, soleant sæpe sic accipi, vt imperium etiam inuoluant,
 & dicant implicite, *fac hoc*.

Suar.
tomo. 1.
d. 19.
sect. 6.
Metaph
 Ex his quæ disseruimus patet, non vndique verum esse
 quod quidam assumunt, *Modum mouendi per imperium tale,*
alienum esse à munere intellectûs, quod est illuminare, & dirigere
ac regulare voluntatis operationes. Tum denique quia ille mouen-
di modus, est proprius voluntatis, qua in hunc finem peculiariter
data est, vt alias potentias efficienter moueat quoad exercitium.

S. Tho.
2.2. q.
47. a. 8.
d. 3.
 Quod argumentum olim sibi etiam obiecit S. Thomas, &
 respondet solùm, *Mouere absolutè pertinet ad voluntatem: sed*
præcipere importat motionem cum quadam ordinatione, & ideo
est actus rationis.

Motus ergo & imperium intellectûs mixtum est iudicio
 repræsentante rem factibilem, quam faciendam voluntati
 proponit, & fieri simul imperat. Vnde etiam intellectûs
 dicitur mouere voluntatem ex parte obiecti, quia motio
 primùm incipit à repræsentatione, qua intellectûs cæ-
 cæ voluntati obiectum amabile proponit; sed deinde ta-
 men in motionem ex parte subiecti etiam reducat, sua-
 dendo voluntati, vt seipsam ex parte potentiæ, & subiecti
 moueat. Mouet enim intellectûs voluntatem vt consiliarius,
 qui rem agendam domino suo proponit, & simul suadet vt
 faciat, & quantum potest, impellit. Hoc est, anima vbi per
 iudicium practicum intellectûs rem appetendam cognouit,
 & vt appetat, sibi ipsi imperauit, etiam per voluntatem ad
 appetendam infallibili consequentiâ seipsam ex parte sub-
 iecti mouet.

CAPUT XII.

*In Deo quoque admittendum aliquod iudicium
vltimum praeictum, quo voluntatem suam
dirigit & determinat.*

CUm Deus sit ipsa sapientia & prudentia, dubium non est, quin sapientissimè & prudentissimè, in omni operatione voluntatem suam dirigat.

Si igitur fecit calos in intellectu, & prout diuina sapientia ^{Psal.} prudentiaque ei dictauit, habuit iudicium prudentiae, non ^{135.} tantum de sidere aliquo in genere, sed de hoc singulari sidere creando, *ὅτι φρόνησις τῷ ἐκχαρῶ ἐστίν, τὸ γὰρ ἀπαλὸν τοῦτο* ^{Arib. lib} *quia prudentia est vltimi, singularis & determinati:* ^{6. c. 9.} *tale enim est illud quod faciendum est.* ^{Ethic.} ludicat ergo diuina prudentia de ista indiuidua actione & indiuiduo eius termino, quam omnipotentia executioni mandat.

Fallitur ergo qui iudicium illud vltimum praeictum prudentiae ideo negat in libero Angeli & hominis operatione intervenire, quia in Deo inueniri non potest. Inuenitur enim etiam in Deo; aut dic, si audes, infinitam eius sapientiam prudentiamque sine prudentia Mundum creasse & quotidie operari.

Sed non potuit diuinus intellectus vero iudicio, inquit, iudicare hos calos esse creandos, *quia inter hos calos, & alios* ^{Suer. to.} *omnino aequales* ^{1. d. 19.} *nullum est discrimen; neque ex parte Dei est* ^{sect. 6.} *aliqua ratio, quā possit fundari tale iudicium quod sit verum.* ^{Metaph}

Sed Gerundia ista, *creandum, faciendum &c.* imperium potius quam necessitatem significant, ut Cap. superiori dictum fuit. Deinde si aliqua ibi significetur necessitas, non stricta, sed conuenientiae tantum necessitas erit.

Quis scit etiam, an differentiae calorum indiuiduantes, vt quidam imaginantur, heterogenae non sint, & distin-

E

ctionem

tionem numericam sic fundent, vt etiam diuerſas proprietates ſaltem numericas poſtulent ? Sic enim fortaiſſe Deus maiorem in vno indiuiduo, quàm in altero conuenientiam, ad Mundi fabricam potuerit reperire.

Præterea, ſit ſanè in vtroque cælo, in vtroque ſole indiuiduo, quantum ad ſpeciem & differentiam indiuiduantem ac omnes ſingulares proprietates, omnimoda paritas, (quod ego verum eſſe exiſtimo;) potuit tamen diuinus intellectus iudicare, hunc ſolem potiùs quàm iſtum creandum eſſe, propter rationes extrinſecas nobis prorsus incognitas, ſicut in multis alijs Dei operibus fateri nos oportet. Vt in illo tam celebri exemplo, cur Deus hunc, & non iſtum, in pari vtriuſque cauſa, ex maſſa damnationis eripiat.

S. Aug. lib. 1. c. 6. ad Bonif. Quare iſtos homines oues facit, & iſtos non facit, apud quem non eſt acceptio perſonarum, inquit S. Auguſtinus, ipſa eſt quaſtio, quam B. Apoſtolus curioſius quàm capaciùs proponenti-
Rom. 9. bus ait, O homo tu quis es vt respondeas Deo ? Ipſa eſt quaſtio qua ad illam pertinet altitudinem, quam perſpicere volens idem
Rom. 11. Apoſtolus, quodammodo expauit, & exclamauit, O altitudo diuitiarum &c. Et poſt Magiſtros ſuos Paulum & Auguſtinum
S. Fulg. lib. 1. c. 13. de verit. pradiſt. B. Fulgentius : Sciamus imperſcrutabile nobis eſſe, ait, cur vno derelicto alterum Deus ab illa perditionis maſſa gratis eripiat. Et paulò poſt : Re verà fruſtrà labor ſuperflua curioſitatis impenditur, vbi nulla inuentionis copia ſuffragatur, & noxia curioſitas in reatum protinus labitur, quando modum ſuum humana infirmitas non metitur. Quin potiùs in hoc profundiffimo diuinæ voluntatis arcano, nihil aliud ſaluti noſtræ congruere nouerimus, niſi vt cum Davide vnusquiſque noſtrum humiliter dicat, Mirabilis facta eſt ſcientia tua ex me, confortata eſt, nec potero ad eam. Cum Beato quoque Paulo religioſi clamoris iungamus effe-
Pſal. 148. ctum, qui ait, O altitudo diuitiarum ſapientia & ſcientia Dei !
Rom. 11.

Quæ omnia euidenter ſupponunt, in talibus Dei decretis, non fuiſſe meram pro ratione voluntatem, ſed diuinum intellectum rationes profundiffimas habuiſſe, cur hoc potiùs

potiùs quàm istud voluntati appetendum & faciendum proposuerit. Aliàs enim si illa *praelectio solum sit ex deter-* *suar. ibid.*
minatione libera & mera diuina voluntatis, quæ ibi altitudo,
 quæ scientia mirabilis esse potest.

Sic igitur, cur Dei intellectus hunc potiùs solem, quàm alium possibilem, creandum existimauerit, ratio aliqua fuit, sed abdita nobis & incomprehensibilis.

Denique, hæc semper ratio extrinseca ad Dei voluntatem ad hunc indiuiduum solem determinandam sufficiet, *Inconueniens est voluntatem ad agendum resolutam, inter plura indiuidua producenda pendulam habere.* Hanc enim actionem se determinandi prudentia vni potiùs indiuiduo, quàm alteri applicabit, iudicabitque tandem practicè & vltimò, Hunc indiuiduum solem producendum esse. Nam re verâ nos saltem experimur, quòd quando inter plura indiuidua dubitando fluctuauimus, & ad vnum determinamur, formemus iudicium practicum, non tantùm generale aut disiunctiuum, Hoc vel illud faciendum esse, sed, Hoc determinatè, ad quod manum extendimus. Facimus enim determinatè quod per prudentiam faciendum esse omnibus perperensis iudicamus. Prudentia autem non tantùm in vniuersali, & quasi è longinquo bonũ amabile voluntati ostendit, sed vsque ad vltimum quod opere exequendum est, ducem se præbet, & digito quasi tangit. Ideo enim Τὴν φρό- *Arist. lib 6. c. 9.*
 νησιν τῆ ἐσχάτης ἔντα, *prudentiam vltimè esse pronuntiat Philo-* *ethic.*
 phus.

Vt exempli causâ, *In cana dubia, ubi tu dubitas*, vt ait *Terent. in Phorm.*
 Comicus, *quid potissimum sumas*, quia omnia fercula æquè opipara, & gula conuiuæ æqualiter vniuersis imminet; non tantùm iudicamus disiunctiuè, ab hoc vel isto ferculo incipiendum esse, sed ab hoc determinatè, ad quod primò manum porrigimus. Iudicamus enim id quod agimus. Vnde si quis interrogetur, Cur ad hoc ferculum primò manum porrexerit, dicet opinor: Quia sic iudicaui, ne instar

asini Buridani, inter has patinarum strues fame emorerer.

Si autem hoc vltimum iudicium practicum liberum sit, & ab intellectu eliciatur per applicationem voluntatis, nihil refert; quia in omni sententia, retrocedendo sursum, ad vnum tandem primum iudicium intellectus appellere oportet, quod necessarium sit & omnem actionem liberæ voluntatis antecedit. Aliàs enim esset progressus in infinitum, si ante quodlibet iudicium intellectus aliqua libera voluntas, & ante quamlibet voluntatem aliquod iudicium intellectus præcurrat.

C A P U T X I I I.

*Iudicium practicum vltimum non euertit
libertatem voluntatis.*

*Bellar.
lib. 3. c.
9. de
grat. &
lib. arb.*

PRæcipua ratio, cur recentiores Peripatetici iudicium illud practicum sic refellant, est metus euersionis libertatis, si tale iudicium debeat præcedere quemlibet motum voluntatis. Et adiuuerunt hanc eorum ab Aristotele & S. Thoma defectionem quidam Thomistæ & Bellarminus, qui iudicij practici determinationem cum libertate conciliare conati, difficultati videntur succubuisse. Et sanè non bellè factum ab illis Thomistis, quòd in iudicij practici & libertatis concordia difficiles semitas quæsierint, cum potius regia prædeterminationis suæ viâ pergere debuissent. Si enim prædeterminatio physica causæ primæ libertatem humanæ voluntatis non euertit, nescio cur à iudicio practico tantum periculum sit. Nam iudicium istud longè molliùs flexibilitatem voluntatis determinare videtur, quàm prædeterminatio Dei omnipotentis, qui tam indeclinabiliter & insuperabiliter, vt S. Augustini verbis utar, prædeterminat & impellit.

Vnica.

Vnica verò causa, cur noui Peripatetici iudicium vltimum practicum cum libertate conciliare non possint, est, quia essentiam libertatis in quodam alio ponunt, quod nec Aristoteli, nec S. Thomæ vnquam in mentem venit. Nempe, in quodam æquilibrio, quo voluntas duobus iudicijs intellectus æqualibus, vel inæqualibus suspensa, in hanc, aut illam partem indifferenter se vertere possit. *Quòd si enim hoc non potest, inquit Suarez, non video quomodo possit dici libera.* Suar.
tom. I. d.
19. sect.
6. Me
12. p. 10.

Attamen & libera est, & nihilominus in eam solùm partem se inclinare potest, quò iudicij practici aliqua inæqualitas vergit, vt ex Aristotele & S. Thoma antea ostendimus.

Nam libertas eius essentialis, non in accidentali illa indifferencia quâ in hanc & illam partē vacillando annuit, constitui debet, sed in naturali & peculiari quodam modo, quo appetitus rationalis seipsum ex parte subiecti movet, & ab appetitu brutali, isto modo se mouendi distinguitur. Ille autem peculiaris se mouendi modus per vltimi iudici practici imperium nequaquam euertitur, aut perturbatur. Imò nec eripit etiam facultatem se mouendi in contrariam partem, aut refrenandi suum motum, si intellectus ei sufficientes rationes suggereret. Iudicium enim practicum mouet proponendo & suadendo ex parte obiecti, nō precipitando brutaliter aut fataliter voluntatē ex parte potentiæ & subiecti, sed ipsā finit mouere seipsam, sicut ipsa, ait S. Tho. S. Tho.
q. 6. de
male. *alias potentias ad exercitium movet.* Deinde, si S. Thomæ credant, ex parte potentiæ à causâ primâ voluntas sic molliter agi & prædeterminari potest, vt tamen eius libertas non euertatur. *Sicut enim Deus, inquit, naturalibus causis, mouendo eas, non aufert, quin actus earum sint naturales; ita mouendo causas voluntarias, non aufert, quin actiones earum sint voluntariæ, sed potius hoc in eis facit. Operatur enim in vnoquoque secundum eius proprietatem.* Idem 1.
p. 9. 83.
a. 1.

Quàm ergo, Deus bone, absurdum est, libertatem voluntatis in eliciendis actibus virtutum moralium, à prudentia, quæ iudicio suo ultimo practico actus illos regit & imperat, everti? Perinde id est, ac si dicas, aurigam regendo currui talem à natura esse datum, qui equos semper sic incitet, vt currum evertat.

Et licet daremus, eiusmodi prudentiæ *λογικὴν καὶ πρακτικὴν ἐπιστήμην* ultimum & preceptuum iudicium, non semper esse necessarium, vt voluntas aliquem actum virtutis moralis eliciat; potest tamen, sine dubio, illud adhiberi, & voluntas ab eo ad actum virtutis moueri. Quo casu nonnisi iterum ineptissimè dici potest voluntas à prudentia sic necessitari, vt omne meritum & laudem prudenter operando amittat. Quæ absurditas palàm manifestat, veram, genuinam, & essentialem voluntatis libertatem, non esse medium & nutabundum aliquem voluntatis statum, qui cum iudicio ultimo practico prudentiæ consistere nequeat.

C A P U T X I V.

*Est quædam essentialis libertas voluntatis, præter
accidentalem indifferentiam contrarietatis
& contradictionis.*

Intelligentia huius essentialis libertatis ex modo diverso operandi rationalis & irrationalis appetitûs dependet. Ideo enim voluntas in appetendo assentialiter est libera, quia peculiarem agendi modum habet, quo appetitus brutorum caret. Modus autem ille est, quod anima rationalis per voluntatem suam seipsam moueat, anima verò bruti per appetitum irrationalem non tam seipsam moueat, quàm à natura eam propellente & quodammodo cogente moueatur.

Hæc

Hæc Platonis, Aristotelis, & veteris Philosophiæ doctrina est, vnde SS. Patres Latini Græcique sumpsērunt. *Carentia ratione animalia, inquit Bernardus, sensu aguntur, feruntur impetu, rapiuntur appetitu. Hanc vim à natura solus homo non patitur, & ideo solus inter animantia liber. Et tamen, addit, interueniente peccato, patitur quandam vim & ipse, sed à voluntate, non à natura; vt ne sic quidem ingenitâ libertate priuetur. Quod enim voluntarium, liberum.*

Et S. Thomas: *De brutis dicimus, quod non agunt, sed aguntur; quia à natura mouentur, & non ex proprio motu, ad suas actiones agendas.*

Et Damascenus: *Τὰ ἀλογα ἀγόντων μᾶλλον ὑπὸ τῆς φύσεως, ἢ περ ἀγόντων, ὁ δὲ ἀνθρώπος λογικὸς ὢν, ἀγεί μᾶλλον τὴν φύσιν, ἢ περ ἀγείων.* *Bruta irrationalia ducuntur potius à natura, quàm naturam ducant; homo verò rationalis cum sit, naturam potius ducit, quàm ducatur ab ea. Quod subtiliter sanè Doctor noster Solennis explicat: Non impetu naturæ præcedente motum voluntatis, & voluntatem in actum impellente, inquit, vult homo quod vult, quemadmodum appetunt bruta; sed desiderio & complacentiâ voluntatis præcedente, & naturali impetu voluntatem concomitante.*

Motus igitur voluntatis naturalis, qui cum plena aduertentia rationis exercetur, incipit à voluntate ipsa, seu ab anima per voluntatem se mouente, & naturam suam tanquam comitem in actum post se quodammodo trahente. Motus verò appetitus bruti contrà, à natura ipsa incipit, quæ & animam & appetitum bruti in actum impellit.

Quam doctrinam ab aduersario suo quem insectari solet, sumere non est dedignatus Subtilis Scotus: *Duplex enim, inquit, est necessitas. Vna præuia est ad voluntatem; vt voluntas intelligatur cadere sub necessitate tanquam impellente in actum & figente in actu. Si autem sic esset, voluntas ageretur, & non ageret, nec staret in tali actu libertas. Altera est necessitas concomitans; ita vt ipsa intelligatur cadere sub voluntate, sic vt voluntas*

voluntas propter firmitatem libertatis suae, sibi-ipsi necessitatem imponat in eliciendo actum, & in perseverando, seu figendo se in actum. Et hanc necessitatem libertati repugnare negat.

Propter istum autem modum se mouendi, Aristoteles & Patres Græci hominem *δυνάμειον* suae potestatis, & *κύριον τῶν αὐτῶν πράξεων* dominum suarum actionum appellant. Et Henricus, post S. Anselmum, voluntatem definit instrumentum seipsum mouens in obiectum bonum, tanquam primum principium sui motus. Quod tamen S. Thomas restringit ad principium primum in suo ordine; oculos nempe reflectens ad Deum causam primam, à qua voluntas mota, seipsam sicut agens proximum mouet. Et ut alibi ait, licet voluntas sit instrumentum Dei, est tamen eiusmodi instrumentum, quod in se habet principium sui motus. A tali autem instrumento non oportet ut omnino excludatur ratio libertatis: quia aliquid potest esse ab alio motum, quod tamen seipsum mouet.

Sed quomodo appetitus bruti non seipsum etiam mouet, inquit quidam, cum actum suum vitaliter, non minus quam voluntas, eliciat?

Fateor, res ista subtilis & explicatu difficilis est, quia in simplicissimo quodam modo agendi voluntatis consistit, qui nullis partibus constat, in quas explicari possit. Vnde Scotus simplicitatem illam considerans, negat posse dari rationem à priori, quare voluntas liberè essentiali ista libertate agat. *Essentia enim*, inquit, *non datur ratio. Sicut non est alia ratio, quare hoc habet talem modum essendi, nisi quia est tale ens; sic non est aliqua ratio, quare hoc habet talem modum agendi, puta, liberè, vel naturaliter, nisi quia est tale principium actuum, scilicet liberum, vel naturale.* Nam Aristoteli consentienter docet, modos agendi naturaliter & liberè, esse primò diuersos, quia ex doctrina S. Anselmi, voluntas est essentialiter instrumentum animæ seipsum mouens, agens verò naturale moueri debet ab alio. *Esse naturaliter actuum*, inquit, & *esse liberè actuum sunt prima differentia principij*

principij aeterni: & voluntas, ut voluntas, est principium aeternum liberè. Non magis igitur, potest voluntas esse naturaliter aeterna, quàm natura, ut est principium distinctum contra voluntatē, potest esse liberè aeterna. Sicuti tamen dependentias, uniones, & eiusmodi simplicium modorū essentias, per quasdam habitudines, aut sic-se-habentias, ut possumus, non ut volumus, explicare debemus; ita essentialē modum agendi liberæ voluntatis aliquo simili pacto expedire etiam possumus.

Actio igitur voluntatis essentialiter libera habitudinem ad voluntatem, tamquam ad instrumentum seipsum mouens dicit; & per illam habitudinem ab appetitione bruti essentialiter differt. Actio enim appetitus bruti, appetitum illum, tamquam instrumentum motum ab alio respicit.

Cur autem voluntas seipsam moueat, vltteriùs sic explicari potest. Quia seipsam ad volendum applicat; quod appetitus bruti facere nequit. Nam ut appetitus seipsum ad eliciendum suam actionem applicare dici possit, debet formaliter vel virtualiter se supra eam reflectere ita ut non tantum obiectum amoris sui appetat, sed etiam ipsum actum amandi, ad quem eliciendum se applicat.

Hoc autem solus potest appetitus rationalis, qui intellectum ducem sequitur, qui ei actionem suam, super quam se reflectat, ostendere & ob oculos ponere potest. Imaginatio verò bruti, communi Philosophorum consensu, appetitui bruto istud officium præstare non valet.

Hanc doctrinam Doctor Angelicus mihi suggessit. Quia s. rbo. actus voluntatis, inquit, reflectuntur supra seipsos, in quolibet^{1. 2. 9. 16. a. 4.} actu voluntatis potest accipi consensus, & electio, & usus. Et si dicatur, quod voluntas consentit se eligere, & consentit se consentire, & vitur se ad consentiendum & eligendum Ac alibi Caietanus: Voluntarij actus voluntatis, ait, sic supra seipsos reflectuntur, ut quilibet eorum implicite vel expresse, formaliter vel virtualiter habeat rationem voliti obiectiue, & non solum per modum actus. Dum enim eligo vitam contemplatiuam, consensio

S. Aug.
lib. 2. c.
19. de
lib. arb.

in talem electionem, & utror voluntate meâ, ad actum eligendi applicando illam. Et S. Augustinus: Noli mirari, si ceteris per liberam voluntatem vivitur, etiam ipsâ liberâ voluntate per eam ipsam uti nos posse: ut quodammodo seipsa utatur voluntas quæ vivitur ceteris, sicut seipsam cognoscit ratio, quæ cognoscit & cetera.

Sic autem volendo, & non tantum directe in obiectum electionis tendendo, sed etiam reflexè in ipsam electionem consentiendo, voluntas indicat se habere quendam peculiarem & essentialem agendi modum, magis sublimem, quo sibi ipsi imperet, & dominium supra actus suos exerceat, quem non habet appetitus brutorum, qui directe solum in obiecta sensibilia ab imaginatione sibi proposita, impetu quodam naturæ erumpit. Vnde Patres Græci Aristotelem secuti, motum voluntatis ποσιν inclinationem, qualis ille mollis in balance nutus, quo lanx vna leuiter præponderans, infra alteram se demittit; motum verò brutalis appetitus ὁρμὴν impetum appellant. Et si ὁρμὴ & ὁρμησάσα apud Aristotelem interdum pro forti & impetuosa, quamuis liberâ, hominis voluntate vsurpentur, Velut etiam apud Latinos impetus.

C A P U T X V.

S. Thomas, Scotus, & alij Scholastici agnouerunt essentialem illam libertatem, priorem indifferentiâ contrarietatis & contradictionis.

A Nimaduersione dignum est, quod vbiicumque S. Thomas libertatem asserit homini, detrahit bruto, discrimen in eo non ponat, quod suspensa in æquilibrio hominis voluntas se determinare possit, bruti verò appetitus non possit (quæ est nupera recentium Peripateticorum libertas;) sed in hoc, quod voluntas seipsam agat,

agat, appetitus bruti agatur potius, & foras quasi extundatur à natura. *Omne quod est liberi arbitrij agit*, inquit alicubi, *& non solum agitur; sed bruta non agunt, sed aguntur, vt Damascenus dicit; ergo bruta non sunt liberi arbitrij.* *S. Tho. 1. 2. q. 24. a. 2. de Pot. rit.*

Et alibi: *Sola mouentia seipsa libertatem in agendo habent: & hac sola iudicio agunt.* Antea verò: *Bruta autem*, ait, *in quantum ipsorum appetere sequitur de necessitate in eis ex formis acceptis per sensum & iudicium naturalis estimationis, non sunt sibi causa quod moueantur; vnde non habent dominium sui actus.* *Idem lib. 2. c. 48. cont. Gent. 1b. d. c. 47.*

Hinc in Deo esse liberum arbitrium satis se demonstrasse existimat, si non opus & impetu brutali, sed potius & iudicio inclinatus eligat. *Ex hoc enim*, inquit, *homo dicitur præ ceteris animalibus liberum arbitrium habere, quia ad volendum iudicio rationis inclinatur, non impetu natura, sicut bruta; ergo in Deo est liberum arbitrium.* *S. Tho. lib. 1. c. 88. cont. Gent.*

Hanc eandem essentialem libertatem considerans, vltèriùs & eò vsque progressus est, vt dixerit, *Spiritum sanctum liberè procedere à Patre, non tamen possibiliter (id est, contingenter) sed ex necessitate. Qui sic autem? Quia libertas voluntatis*, inquit, *violentiæ vel coactioni opponitur. Non est autem violentia vel coactio in hoc quod aliquid secundum ordinem suæ naturæ mouetur, sed magis in hoc quod naturalis motus impeditur; sicut cum impeditur graue ne descendat ad medium. Vnde voluntas liberè appetit felicitatem, licet necessariò appetat illam. Sic & Deus suâ voluntate liberè amat seipsum, licet de necessitate amet.* *S. Tho. 1. 10. a. 2. de Pot. tent.*

Nec enim profectò impetu quodam effreni ac brutali, sed iuxta modum operandi voluntatis connaturalem, ac cum libertate essentiali, Spiritus sanctus spiratur. Si tamen spiratio passiuæ ad voluntatem Patris & Filij tanquam ad principium suum præcisè comparetur. Si enim ad essentiam, cuius est propria subsistentia, sic non libera, sed nièrè naturalis est. Natura enim diuina naturalissimè & essentialiter flagitat suppositari, non tantùm Patris & Filij, sed

etiam Spiritûs sancti subsistentiâ; eamque ex naturali suâ fecunditate effundere postulat, per voluntatem tamen, & iuxta modum agendi naturalem voluntati.

Doctori Angelico planè consentit Subtilis. Docet enim etiam, Spiritum sanctum liberè spirari à Patre & Filio, licet summe necessariò.

Cael. Non enim liberè libertate contradictionis vel contrarietatis, in 1. d. ait Scholiasies eius Hugo Cauellus, sed libertate essentiali; 10. q. 1. quæ consistit in determinare se delectabiliter & eligibiliter ad amandum, vel eliciendum amorem, esto non contingenter.

Vbi rectè hanc libertatem essentialem vocat: est enim intrinsecè & essentialiter inclusa in omni motu, quo voluntas connaturali suo modo, ex plena aduertentia rationis, se ipsam ad amandum applicat. S. Bernardus verò libertatem naturæ, siue naturalem, appellat, quia à natura inditam habemus, & vniuersa tam mala quàm bonæ rationali conuenit creatura. Et Bernardum imitatus S. Thomas: Primus homo, inquit, liberum arbitrium dicitur perdidisse, non quantum ad libertatem naturalem, quæ dicitur à coactione. Hæc quippe essentialis libertas, est illa quam perpetuò dicit soli coactioni repugnare.

Vnde Ferrariensis ex Magistri sui doctrinâ duplicem libertatem distinguens: *Libertas duobus modis sumitur*, inquit, scilicet *ut opponitur necessitati coactionis, & ut opponitur necessitati naturalis inclinationis*. Non est autem de ratione ipsius in quantum opponitur necessitati coactionis, quòd in diuersa possit, sed quòd voluntariis inclinatione quis operetur, quod potest etiam conuenire agenti aliquid ex naturali inclinatione. Ex naturali, inquam, inclinatione voluntati propriâ & peculiari, non autem ex inclinatione merè naturali, quæ coactio quædam est, & essentiali libertati repugnat. Mera enim, siue irrationalis natura habet oppositum planè modum agendi, quàm voluntas. Vnde egregiè S. Thomas: *Voluntas diuiditur contra naturam, sicut vna causa contra aliam. Quædam enim fiunt*

*Lib. 3.
c. 138.
contra
Gen. 1.*

*S. Tho.
1. 2. q.
10. a. 1.*

sunt naturaliter, & quadam sunt voluntariè. Est autem alius modus causandi proprius voluntati, quæ est domina sui actûs, præter modum qui conuenit naturæ, quæ est determinata ad vnum. Determinata ad vnum, videlicet ex *ὁρμῇ* siue impetu quodam effreni, impellente, cogente, & figente causam in vnam partem, ad quam eam determinat. Nam aliàs voluntas etiam liberè libertate essentiali operans, potest seipsam quadam necessitate determinare ad vnum; sic ut propter firmitatem libertatis suæ, sibi ipsi necessitatem imponat in *quodl.* eliciendo actum, & in perseverando, seu figendo se in actum, ut *16. q. 2.* Doctorem Subtilem cap. superiori philosophantem audiui-
 mus. Hoc enim in amore beatifico voluntas facit, quem liberum esse libertate istâ essentiali, subtiliter & verisimè Scotus docet. Et consentit planè S. Thomas, quando ait, Quod si virtus ad finem perfectionis deuenit, quandum necessi-
 tatem infert ad bene agendum: sicut est in Beatis, qui peccare non *S. Tho. lib. 3. c.* possunt. Nec tamen propter hoc libertati voluntatis aliquid de-
 perit, aut actûs bonitati. Nam, ut paulò antè dixerat, Necessitas ex interiori inclinatione procedens laudem virtuosi actûs *138. cont. Gent.* non minuit, sed auget: facit enim voluntatem magis intensè tendere in actum virtutis. Et alibi de libertate Christi disserens: Etiam si liberum Christi arbitrium, inquit, esset deter-
 minatum ad vnum numero, sicut ad diligendum Deum, quod non *S. Tho. 3. d. 18.* facere non potest; tamen ex hoc non amittit libertatem, aut rationem laudis, siue meriti, quia in illud non coactè, sed spontè *q. 1. a. 2.* tendit, & ita est actûs sui dominus.

Vnde nimis mirum & improbabile mihi semper visum est, quod quidam noui Peripatetici affirmant, Beatos in amore beatifico nullam mereri laudem; solum quia contrarietatis & contradictionis indifferentiâ carent, ideoque impossibile sit, quin diligant Deum, ut alibi ait S. Doctor. Nam *S. Tho. 1. p. q. 60. a. ult.* quandoquidem plenissimâ intellectûs aduertentiâ, & ob altissimas & sapientissimas rationes, non *ἐπιμῇ* & brutalî, aut hominis insani impetu, sed *πομπῇ* & inclinatione maxime

F iij

ratio-

Naturalis necessitas, inquit S. Thomas, secundum quam *s. Tho.*
voluntas aliquid ex necessitate velle dicitur, ut felicitatem, liber- *q. 10. a.*
tati non repugnat, ut S. Augustinus docet lib. 5. de Ciuit. Libertas *2. de Po-*
enim voluntatis, violentia vel coactioni opponitur. Et alibi: *tent.*
Libertas secundum Augustinum, opponitur necessitati coactionis, *Idem q.*
non autem naturalis inclinationis. Ac statim pòst: Necessitas *22. a. 9.*
naturalis non repugnat dignitati voluntatis, sed sola necessitas *de Verit.*
coactionis. Ac mox: Voluntas in quantum est rationalis (ratio-
cinatiua, & quatenus sub ratione liberi arbitrij strictè dicti
consideratur, ut postea ostendemus) ad opposita se habet: hoc
enim est considerare ipsam secundum hoc quod est ei proprium:
Sed prout est natura quadam, nihil prohibet eam determinari
ad vnum.

Item: Seruitus peccati non dicit coactionem; sed vel inclina- *Idem q.*
 tionem, in quantum peccatum præcedens aliquo modo inducit ad *24. a. 1.*
 sequentia; vel per defectum virtutis naturalis, quæ non potest se *de Verit.*
 à macula peccati eripere, cui se semel subdidit. Et ideo semper
 in homine remanet libertas à coactione, per quam naturaliter est
 liberi arbitrij.

Alibi: Est duplex necessitas. Quadam coactionis: & hæc lau- *Idem*
 dem virtuosorum actuum diminuit, quia voluntario contraria- *lib. 3. c.*
 rur. Coactum enim est quod voluntati est contrarium. Quadam *138. cont.*
 est necessitas ex interiori inclinatione procedens: & hæc laudem *Gent.*
 virtuosi actus non minuit, sed auget. Facit enim voluntatem
 magis intense tendere in actum virtutis.

Item: Coactionis necessitas omnino repugnat voluntati. Ac *Idem 1.*
 paulò pòst: Similiter nec necessitas naturalis repugnat volunta- *p. q. 82.*
 ti. Voluntatem autem modo suo connaturali operantem *a. 1.*
 non distinguit à libertate, SS. Patrum secutus doctri-
 nam & phrasim. Vnde mox ibidem: Necessitas, ait, natu-
 ralis non aufert libertatem voluntatis.

Ac Deinde: Homo peccando liberum arbitrium dicitur per- *Idem 1.*
 didisse, non quantum ad libertatem naturalem, quæ est à coa- *p. q. 83.*
 ctione. *a. 1.*

Et inde

Et inde etiam est, vt voluntarium & ab ipso & ab Augustino & SS. Patribus passim pro libero vsurpetur. Ideoq; in Summa sua non quærit, Vtrum libertas, sed *Vtrum voluntarium inueniatur in animalibus brutis*, quia pro eodem reputat, liberum, & perfectè voluntarium.

Idem 1.
2. q. 6.
4. 2.

Sed ignoratio, aut obscuritas huius coactionis, quam SS. Patres & S. Thomas solam libertati repugnare toties ingeminant, magnas in Philosophiam Moralem tenebras, & in Theologiam etiam turbas inuexit.

Galat. 2.

Vt ergo à voce incipiamus, ἀνάγκη *necessitas* aut *coactio*, & ἀναγκάζειν, quod Barbari *necessitare*, Latini *cogere* vertunt, non vno modo vsurpantur. Vnde ridiculi profectò sunt, qui vbiicumque *necessitatis* nomen sonuit, illicò de libertate voluntatis actum esse clamant. Hâc enim eorum Philosophiâ, arbitrij libertatem Gentibus à S. Petro ademptam fuisse oportuit, ad quem ait Paulus, *Quomodo Gentes cogis* (Græcè, ἀναγκάζεις *tu necessitas*) *Iudaizare?*

S. Tho.
lib. 3. c.
138. cont.
Gent.

Itaque vt intelligamus, quæ necessitas repugnet, & quæ non repugnet libertati, S. Thomas scitè admodum necessitatem actûs generaliter in necessitatem naturalis inclinationis, & necessitatem coactionis diuisit. Necessitas naturalis inclinationis est illa quæ adhæret actui, qui ex naturali inclinatione alicuius potentiae fluit. Talis enim actus eo modo quo necessarius esse dicitur, sic à potentia sua fluit, vt non fluere non possit.

Verùm quia natura, à qua inclinatio illa vocatur naturalis, varia est, idcirco fieri potest, vt naturalis inclinatio vnius naturæ aliter in actum suum effluat, & aliter inclinatio alterius. Voluntatis autem natura & naturalis inclinatio plurimùm à natura & inclinatione ceterorum agentium distat. Vnde non mirum, quòd in modo se agendi & inclinandi, sit essentialis quidam libertatis modus, quo se, duce ratione, in hanc aut illam partem cum indifferentia quadam essentiali determinet; qui agendi modus alijs agentibus

agentibus competere minimè possit. Vnde licet actui voluntatis interdum aliqua necessitas & constrictio adhæreat, illam tamen voluntas sibi ipsa imponit, ut ex S. Thoma, Scoto, Henrico Cap. XIV. & XV. diserebamus.

Non enim aliunde in istam necessitatem deiicitur, sed ipsa propter maximas & conuincētissimas rationes se in eam demittit. Quia verò necessitatis nomen duriter sonat, & miseriam quandam quam quis inuitus patiatur, auribus ingerere videtur, ideo S. Aug. in actibus voluntatis bonis, quantumuis necessariò elicitis, vocabulum necessitatis ferè declinare solet, aut addito aliquo emollit. Vt bonam ^{8. Aug. c. 46. de nat. & grat.} constrictiōem naturæ, aut, beatam necessitatem &c. appellat. Perquam absurdum est, inquit Pelagio, ut ideo dicamus non pertinere ad voluntatem (hoc est ad libertatem) nostram, quòd beati esse volumus, quia id omnino nolle non possumus, nescio quā bonā constrictiōe naturæ. Nec dicere audemus, ideo Deum non voluntatem, sed necessitatem habere iniustitiam, quia non potest velle peccare. Et Iuliano: Liberum non est nisi quod duobus ^{idem lib. 1. Oper. imperf.} potest velle, id est bonum & malum? Liber Deus non est, qui malum non potest velle? Siccine Deum laudas, ut ei auferas libertatem? An potiùs intelligere debes, esse quandam beatam necessitatem, quā Deus iniustus non potest esse?

Cetera verò agentia tam merè naturalia, ut elementa & inanimata, quàm sensitiua irrationalia, non agunt se propriè, ut præcedentibus Cap. diximus, sed aguntur quasi ab alio, nec applicant se ad agendum, cùm supra actus suos se non reflectant, sed à natura foràs præcipitantur. Appetitum enim brutorum imaginatio bruta & simplex extimulat, ait Themistius, & simul atque occurrit atque inidit ali- ^{Themist. lib. 3. c. 67. de anim. 4.} quid quod allubescat, continuò trahitur.

Vnde necessitas quæ agentia merè naturalia, & appetitum brutorum agit, est antecedens ex parte potentiæ, & ex habituali quadam inclinatione (sive distincta, siue indistincta) ab Auctore naturæ impressa, quā vrgentur & præcipitantur

Arist. lib. 1. c. 12. Magn. Moral. pitantur in suas actiones. Vnde Aristoteles disertè negat, eiusmodi agentia propriè agere. οὐτε γὰρ ἀψύχων οὐθὲν λέγομεν πράττειν, οὐτε τῶν ἐμψύχων, ἔξω ἀνθρώπων, *Neque enim, inquit, ullum in animatum agere dicimus, neque etiam animatum, præter hominem.*

Scot. quodl. 16. Necessitas verò, si quæ in actum voluntatis incidat, est solùm consequens; quia sicuti ipse actus ab Auctore naturæ positus est in manu & potestate voluntatis, ita & necessitas actui adhærens. Nam vt Cap. XIV. subtiliter nos docebat Scotus: *Voluntas sibi-ipsi necessitatem imponit eliciendo actum, & se figendo in ipsum.*

S. Tho. 9. 6. de malo. Nec refert, quòd à iudicio practico intellectus voluntas determinari, & à prudentiâ imperari debeat. Hoc enim naturalem modum agendi eius non immutat. Illa quippe est naturalis conditio voluntatis, vt quia cæca est, obiectum in quod se mouere debet, ei ab intellectu indicetur; & quia naturaliter, vt sic dicam, etiam prudens est, sibi, vt hoc appetat, ab eodem intellectu practico, tanquam consiliario, suggeri postulat. Tunc enim demum ex parte subiecti seipsam mouet, *sicuti alias potentias ad exercitium mouere potest,* ait S. Thomas.

Ex quibus patet, quòd quando S. Thomas & alij docent, necessitatem naturalis inclinationis non repugnare libertati, intelligendi sint de necessitate, non naturalis inclinationis vniuersim & cuiuscumque agentis, sed naturalis inclinationis particularis cuiusdam naturæ, quæ est voluntas, cuius modus agendi peculiaris est, & à ceterarum naturarum modis agendi longè diuersus.

S. Aug. lib. 3. c. 1 de lib. arbit. Vnde optimè Aristoteles, S. Augustinus, Scotus, alijque, Agens generaliter, in naturale & voluntarium primò diuidunt, vt Cap. XIV. ex Scoto audiebamus. Et cum Manichæis disputans S. Augustinus, *Naturam & voluntatem,* item *naturale & voluntarium* opponit: & motum lapidis ad inferiora esse *naturalem*, animi verò motum esse *voluntarium* dicit.

dicat. Et alibi: *Illā animā quidquid faciunt, inquit, si natura, idem e.*
non voluntate faciunt. Indicans, Omne agens agere vel vo-
 luntate, vel naturā, id est, *si voluntate tanquam ignis, ut* *12. de*
ibidem ait. Quem imitatus S. Thomas dicit appetitum bruti *duab.*
absque electione moveri, sicut absque electione ignis movetur *animab.*
sursum, & non deorsum. *S. Tho.*
1. 2. q.
13. a. 2.

Hinc collige, necessitatem inclinationis naturalis agen-
 tium merè naturalium & brutorum repugnare libertati
 voluntatis, & ad quoddam genus coactionis pertinere, vt
 statim Cap. XVIII. latius patebit.

C A P U T X V I I.

*Coactio vulgaris, seu secundum quid, libertati
 non repugnat.*

CUm coactionis necessitatē dicimus, regimen est pro
 concordantia, vt Grammatici loquuntur, perinde
 ac si dicamus, coactionem quæ est necessitas quæ-
 dam. Patet ex voce Græca ἀνάγκη, quæ & coactio & necessitas,
 & verbum ἀναγκάζειν, cogere, vel necessitare verti solet. Vnde
 indifferenter, coactionem, aut necessitatem coactionis,
 libertati repugnare dicimus.

Coactionem generaliter in Vulgarem & Philosophicam
 dividere possumus.

Vulgaris est, qua metu, importunitate, sollicitatione,
 inueteratā consuetudine &c. ad aliquid volendum coactos
 nos fuisse vulgò dicere solemus.

Hæc significatione apud I. C. Voluntas coacta, dicitur *D. 2. ad*
 esse vera voluntas, & sic facta valere, etsi à iudice possint *metu*
 rescindi. *causa.*

Hæc coactio vulgaris libertati voluntatis non repugnat.
 Quod enim metu &c. coacti volumus, re verā voluntariè
 & liberè volumus, etiamsi si metus abesset, contrarium vel-

G ij

lemus,

lemus, in quod voluntas magis propendet. Vnde metum factum, simpliciter est voluntarium, & solum secundum quid inuoluntarium, ut optimè post Aristotelem docet S. Thomas. In metu enim naufragij vult absolutè mercator proijcere merces, licet extra metum absolutè retinere vellet. Nec metus (nisi mentem ei auferat) naturalem modum agendi voluntatis ita conturbat, ut instar bruti, aut hominis insani, iacturam illam facere velit.

S. Tho. 1.
2. q. 6.
a. 6.

Voluntas ergo coacta in hac vulgari significatione, idem valet ac inuita; quia licet spectatis omnibus circumstantijs hic & nunc hoc velit, simul tamen est quædam nolleitas, seu contrarij velleitas, in quod voluntas remoto metu, aut alijs impedimentis, sponte suâ propendet. Hanc vulgarem coactionem Aristoteles etiam ἀνάγκην necessitatem vocat, ὅτι
Arist. lib. 1. c. 13. ὅσα μὴ ἐκόντες πράττομεν, ἀναγκάζομενοι πράττομεν, quia quæcumque inuiti facimus, necessitate coacti facimus.

moral.

Sed de ista coactione vulgari S. Bernardum subtiliter philosophantem audiuisse iuuabit. Libertati voluntatis, coactionem repugnare antè docuerat, & tamen S. Petrum metu mortis coactum ad Christi negationem dicebat. Vnde, Quid ergo? inquit, fortè dissoluta est tota superior assertio de libertate voluntatis; quia nimirum inuenta est cogi potuisse voluntas? Respondet: Est planè, sed si cogi ab alio potuit quàm à seipsa. Quod si sese ipsa coëgit, compulsâ, & compellens; ubi amittere, ibi & recipere visa est libertatem. Vim quippe quam ipsa sibi intulit, à se pertulit. Porro quod à se voluntas pertulit, ex voluntate fuit. Quod ex voluntate fuit, iam non ex necessitate, sed voluntarium fuit. Si autem voluntarium, & liberum.

S. Ber.
de lib.
arbit.

Nec tamen S. Bernardo, nec S. Thomæ, nec Aristoteli contradicit S. Augustinus dum ait: Cum quisque inuitus aliquid facit, solum roges, utrum id facere velit, nolle se dicit. Item si roges, utrum id velit non facere, velle responderet. Ac deinde: Si rursum quæramus, quam ob causam id inuitus faciat,

S. Aug.
c. 11. de
duab.
animab.

faciat, cogi se dicet. Nam omnis inuitus faciens cogitur, & omnis qui cogitur, si facit, non nisi inuitus facit.

Voluntatem enim inuiti negat esse voluntatem Augustinus, quia considerat eam secundum inclinationem, quam ex se remotis extrinsecis cogentibus habet, solamque eam voluntatem appellat; iuxta propriam illam & specialem voluntarii significationem, qua volentes & voluntarie nos aliquid fecisse dicimus, quando propriam nostram sponte nullo extrinseco (sub quo extrinseco etiam concupiscentiam carnis, quam partem animæ exteriorē nuncupat Augustinus, *ibi d. cap. 13.*) adacti & coacti, aliquid fecimus.

Vt proinde, volens Augustino sit, quod Apostolo (quem *Arist. lib. 3. c. 1. Ethic. 1. Cor. 9.* imitatur) exor volens, & coactus idem quod *ἀλλ' οὐκ* inuitus, cum ait, Si volens hoc ago, mercedem habeo, si autem inuitus, dispensatio mihi credita est. Vnde addit Augustinus: Hoc modo, omnis qui volens facit, non cogitur, & omnis qui non cogitur, aut volens facit, aut non facit.

Tali autem voluntate peccatum primorum parentum commissum esse dicit; *quoniam & scientes contra præceptum fecerunt*, & ille tentator suasit ut hoc fieret, non coegit. Peccata verò quæ iam à nobis concupiscentiâ victis committuntur, coacta & inuita appellat. Qui enim cogenti cupiditati bonam voluntate resistere, inquit, non potest, & ideo facit contra præcepta iustitia, iam hoc ita peccatum est, ut sit etiam pœna peccati. Sed sic inuita & coacta sunt in istis qui spiritu utcumque aduersus carnem suam pugnantes succumbunt, ut tamen etiam voluntate & naturali libertate fiant. Aliàs enim peccata non essent. Vnde & hoc peccatum, ait ibidem, quo consentitur concupiscentiæ peccati, non nisi voluntate committitur. Quod Augustino satis est, apud quem, voluntas est libertas. Alibi etiam Pilatū, quamuis inuitum & à ludæis coactum, reum tamen peccati fuisse dicit. Si reus, quia fecit vel inuitus, illi innocentes, qui coegerunt ut faceret? Hinc alibi de hisce voluntatis motibus magis attentè & profundè

Idem c.
13. de
Spir. &
Litt.
 cogitans, Si subtiliùs aduertamus, inquit, etiam quod quisque inuitus facere cogitur, si facit, voluntate facit: sed quia malles aliud, ideo inuitus, hoc est nolens facere dicitur.

Quando ergo ἀκρατής incontinens succumbit carnis tentationi, prauâ consuetudine, aut impetu cupiditatis subactus, istâ eâdem vulgari coactione rectè cogi dicitur. Vellet enim abstinere, ideoque μεταμελητικὸν pœnitere cum post factum, dicit Aristoteles. Sed ἀκόλαστος intemperans, qui non pugnat nec resistit cupiditati, sed διώκει τὰς ὑπερβολὰς τῶν ἡδέων διὰ προάρεσιν, καὶ δι' αὐτὰς, excessus rerum iucundarum prosequitur ex electione & propter ipsas, ideoque οὐ μεταμελητικὸς ἐστὶν ipsum non pœnitet, cogi ad voluptates appetendas dici nequaquam potest; cùm nullâ velleitate & propensione in contrarium honestatis bonum trahatur; vnde Aristoteles ἀνίατον incurabilem eum vocat.

Tales sunt Epicurei, & quicumque sensuum voluptates non solùm iucundas, sed etiam honestas esse credunt. Cur enim isti se refrenent, & non potiùs laxis habenis voluntates suas secundùm blandulæ concupiscentiæ motus in voluptates, quas putant honestas, effluere sinant?

Nec in illis, concupiscentiæ raptu subuertitur naturalis libertas, quia non ὄρμη & impetu, vt bruta aut insani, sed προπή & inclinatione voluntariâ, cum libertate & indifferentiâ quâdam essentiali, voluntas eorum concupiscentiam sequitur. Imò accidentalem etiam quandam indifferentiam inter mala habent, qua sæpè vitando Charybdim incidunt in Scyllam; vt quando adulterium propter auaritiam aut vanam gloriam, declinant. Imò & indifferentiam ad bonum habere, & omnes Charybdes Scyllasque salui præternavigare possunt, si Spiritus Dei vela eorum impleat.

CAPUT XVIII.

*Quænam igitur illa coactio, quam S. Thomas &
SS. Patres solam libertati naturali
repugnare dicunt.*

Coactionem, siue coactionis necessitatem, in Vulgarem & Philosophicam, ad doctrinæ claritatem, diuisimus.

Philosophicam voco, quæ in Philosophorum Scholis est celebris. Hæc iterum est triplex, Violenta, Fatalis, Brutalis. Quæ omnes capitaliter cum naturali voluntatis libertate pugnant.

Atque hæc Philosophicæ coactionis necessitas, famosè nomine, *necessitatis* intelligi solet, quando voluntati liberæ opponitur. Vnde S. Bernardus: *Sola voluntas nulla vi, nullâ cogitur necessitate.* Ac de eadem passim coactionis necessitate loquens: *Est verò, quæ magis ei (libero arbitrio) congruere arbitror, libertas, quam dicere possumus à necessitate, eo quod necessarium voluntario contrarium esse videatur. Siquidem quod ex necessitate fit, non iam ex voluntate, & è conuerso similiter. Voluntatem autem nihil aliud, quàm libertatem intelligit.* Vnde paulò post: *Libertas à necessitate æquè & indifferenter Deo, vniuersæque tam malæ quàm bonæ rationali conuenit creaturæ. Et antè: Non est consensus nisi voluntarius. Vbi ergo consensus, ibi voluntas. Porro vbi voluntas, ibi libertas.*

Et Bernardo, Augustinoque consentienter Magister Lombardus: *A necessitate & ante peccatum & post æquè liberum est arbitrium. Sicut enim tunc cogi non poterat, ita nec modò. Vbi necessitas, ibi non est libertas: vbi non est libertas, nec voluntas, & ideo nec meritum.*

Violenta

Violenta coactio est illa proprijsimè dicta, quam Græci non tantùm ἀνάγκην *necessitatem*, sed etiam βίαν *violentiam* appellant.

Arist. lib. 3. c. 1. Ethic. Hanc Aristoteles definit, *Cuius principium est extrâ, nihil conferente eo qui cogitur.*

Hæc autem necessitas & coactio non tantùm actui voluntatis libero, sed omni eius actui etiam indeliberato & imperfectè spontaneo repugnat: nec solum actui voluntatis, sed appetitui sensitiui, imò omnis omnino potentiaæ actiua. Si enim actiue in actum suum influit, aliquid ad illum *confert*, apertamque implicat contradictionem, ut talis actiua potentia in suo actu coactionem talem ac violentiam patiatur. Unde apud Aristotelem & Philosophos iactatum est, *Voluntatem in solis actibus suis imperatis, non in elicitis violentiam posse pati.* Potest enim homo trahi & violentè loco moueri nolens, non potest autem nolens velle.

Præter autem istam violentiam & rigidissimæ significationis coactionem, est alia duplex, minùs quidem propriè dicta, in vsu tamen etiam Philosophorum promiscuo.

Vnam Græci ἐμπαγμένην *fatalem*, aliam ἐγών *impetum* appellant; quali impetu appetitus brutorum fertur, ideoque merito *necessitas brutalis* vocatur.

Coactio fatalis in affectibus omnibus nostræ voluntatis esset, si vera essent quæ de fatali necessitate Democritus & Stoici quidam garriunt. Nam in eorum Philosophia, Deus cum plena aduertentia humanæ rationis, fatali & necessario raptu sic raperet nostram voluntatem, quomodo ferè voluntas rapit & impellit secum potentiam loco motiuam. Id autem fieri oporteret per concursum Dei longè diuersum, quo virtutem suam efficacius applicaret, ut ait Suarez. Et consentienter Sotus: *Necessitari voluntatem à Deo qui Auctor est nature, nihil vetat; sed tunc auferet illi libertatem in tali auctoritate, mouendo illam, ceu brutam pecudem.*

Negat

Negat tamen Guiliel. Parisiensis id posse fieri, *Quia necesse-
fitas, inquit, vel impossibilitas quæ non aufert operi quin sit volun-
tarium, hoc est ex voluntate, quam impossibile est non esse libe-
ram, nec culpam aufert, nec meritum eidem operi.*

Idem quoque negare debet Vasquez. Nam alio modo tolli
à Deo non potest libertas nostra voluntatis, inquit, quàm uno ^{Vas. 1.}
ex tribus modis. Vel perturbando cogitationem, ut non sit in no- ^{P. d. 99.}
bis plena potestas deliberandi, vel unione hypostatica; vel visione ^{c. 3.}
beatifica. Ex quibus duo posteriores modi solum impediunt liber-
tatem ad peccandum.

De ablatione verò libertatis per fatalem raptum, nulla
mentio. Sed hic tamen etiam modus admitti potest, propter
supremum & efficacissimum imperium, quod Deus habet
in nostram voluntatem.

Coactio brutalis visitur in appetitibus brutorum, ad quos
etiam hominum amentium, puerorum, somniantium af-
fectus, & motus nostri primò primi reduci debent. Simili
enim modo & ὁρμή impetu omnes sine libertate foràs prosi-
liunt; nec agentia talia propriè se mouere, sed moueri po-
tiùs ab alio dicuntur. Vnde licet fatalis, & brutalis coactio
non tam propriè coactionis nomen, quàm coactio violenta
ab Aristotele suprà definita, participant, quia voluntas no-
stra fato, aut brutali impetu rapta, aliquid concursu suo ad
actionem suam conferret; tamen eo ipso quodammodo co-
geretur, quo ad concurrendum ab alia causa raperetur,
quæ eam in consortium actionis, extraordinario & volun-
tati non attemperato modo agendi, abriperet.

Non ergo solum violenta necessitas & coactio, sed
etiam fatalis & brutalis impetus, voluntati libertatem eri-
peret; & factò ipso in amentibus, pueris, & somniantibus
eripit, si somnijs fortè aliquem voluntatis actum misceri
contingat. In actibus verò nostris primò primis, est certius.
Nam illi potiùs ultrò è sinu voluntatis auolant, quàm vo-
luntas eos excutiat & auolare faciat. Vnde quidam Nomi-

H

nales

nales cum Buridano, Cisterciensi, alijsque existimant, quòd voluntas illos actus non efficiat, sed recipiat tantum ab habitu aliquo, aut ab alia simili causa productos. Qui Philosophorum in re ista dissensus sanè indicat, motus istos primò primos longè alio, & tenuiori, ut sic dicam, modo, quàm liberos actus, à voluntate efficienter attingi. Non enim præviâ plenâ aduertentiâ rationis, & perfectò iudicio practico quo exire iubeatur præcedēte, in eos voluntas se resoluit, sed ut festiuissimè Aristoteles, quemadmodū festini ministri faciunt, *lib. 7. c. 1.* qui priusquam omnia quæ dicuntur audierint, excurrunt. Qui *7. Ethic.* excurrendi modus, gemellus etiam est agendi brutorum. *Marfil.* Tali enim citho monstrato, ait scitè Ficinus, & sic affecto corpore bruti, statim ita iudicat ac appetit anima. Neque postquam *Ficin.* pabuli figuram aspexit, tempus aliquod vel breuissimum differt iudicium & cupidinem; quasi anima illa panè nihil ex sua virtute *lib. 9. c. 4.* in medium afferat. *de immort.*

Aliam Philosophiam explicandis motibus primò primis fabricat Io. Salas. Nam voluntas, inquit, à quolibet bono necessitatur, dum intellectus nullum præsentat motuum reiiciendi *Io. Salas* obiectum, vel suspendendi actum circa ipsum; siue tale obiectum *1. 2.* sit beatitudo non charè visa, siue bonum in communi, siue aliquod particulare bonum, citra beatitudinem. Vel saltem, addit, necessitatur voluntas, quoties intellectus nullum examen facit de bonitate & malitia obiecti, vel actus, sed præcisè cogitat de bonitate, vel præcisè de malitia. Quæ profectò si vera sint, pluri *Tract. 3.* mi actus cum plenissima aduertentia rationis à volūtate expressi, erunt primò primi ac indeliberati, ideoq. nec præmij *d. 1. sect. 12.* nec pænæ capaces: contra omnium sapientiū apprehensionem & iudiciū. Quàm enim sepè tam in bonis, quàm in malis, pleno rationis iudicio defixi hæremus, ad nihil aliud quàm ad solam bonitatem, aut ad solam malitiam attentie. Melius igitur celeritas illa motuum primò primorum subitis brutorum affectibus comparatur, & per eos explicatur. Veluti enim repentino & informi imaginationis iudicio

iudicio bruta appetitum si um excitant; ita ad simile intellectus iudicium, voluntas nostra subito in informem quandam & brutali simillimum affectum exilit.

Ad formandum enim & exprimendum in se formalem & appetitu rationali dignum affectum, pleno rationis iudicio dirigi debet. Nec enim cuilibet appetitui quodlibet iudicium, ad operandum debito & connaturali modo, sufficit. Nam neque voluntas nostra iudicio phantastico, neque infimi Angeli voluntas iudicio humano, neque supremi Angeli voluntas iudicio infimi se dirigere potest; sed distincti specie appetitus distinctas specie potentias cognitivas ducitrices, & iudicia earum specie distincta flagitant, quibus, tanquam facibus gressus suos regant. Et sanè quanto intervallo iudicium phantasticum, & iudicium rationale de eodem prorsus obiecto, inter se distent, facile quisque dicet & experitur, quando è somnij nebulâ expergefactus, ad solem & lucem rationis subito transilit.

Breuitur ergo. Non tantum necessitas & coactio illa rigidissima, in quam nihil actiue confert is qui cogitur, sed etiam fatalis & brutalis, si adhibeatur voluntati, euerterent eius libertatem, diciturque tali coactionis necessitate voluntas hominis cogi, sicuti bruta à Philosophis & SS Patribus cogi, & compelli, imò & vim violentiamque quandam pati dicuntur. *Bruta nequaquam naturam ducunt, sed à natura ducuntur, non voluntate eligente, sed naturâ COGENTE, appetitum concupiscentiamque suam sequuntur.* Et S. Bernardus: *Bruta sensu aguntur, feruntur impetu, rapiuntur appetitu.* Hanc vim à natura solus homo non patitur, & ideo solus inter animantia liber. S. Augustinus quoque dicit, agentia ista naturalia, natura suâ necessitate compelli, & ideo nullam culpam deprehendi posse, ubi talis natura necessitasque dominatur.

Homines autem amentes brutis, in ista vi & compulsione quam patiuntur, exæquat Aristoteles. Possumus & iisdem infantibus, hominibus, & motus nostros primò primos comparare.

H ij

CAPUT

C A P U T X I X.

An in libertate essentialis sit aliqua indifferentia.

NE metuant palliduli illi qui ita abhorrent nomen necessitatis, etiam necessitati naturalis inclinationis, quæ actui essentialiter libero interdum miscetur, sua indifferentia inest.

Hanc autem, ut ab accidentali contrarietatis & contradictionis indifferentiâ distinguamus, *radicalem indifferentiam* appellare rectissimè possumus.

Eam verò in actu aliquo essentialiter libero, qui accidentali illa contrarietatis & contradictionis indifferentiâ careat, ut exempli gratiâ, in amore beatifico, sic ostendere possumus. Nam eo ipso quo beata voluntas non à natura ut brutum, in illum actum amoris, necessitate coactionis effreni impellitur, sed ex perfectissimo rationis & prudentiæ iudicio seipsam ad sic amandum determinat, satis intelligitur, in isto modo agendi intimam aliquam indifferentiam latere; propter quam voluntas illum actum deserere & alium assumere posset, si prudentia intellectûs rationes aliquas hoc faciendi ei proponeret.

Hoc autem fieret, si Beato inferioris meriti, aucto lumine ostenderentur in Verbo plures, aut eminentiores rationes amandi Deum. Tunc enim iudicaret, amorem suum etiam eleuandum esse, & deserto priori, alium altiore & luminis suo nouo proportionatum eliceret, sicque ad accidentalem & actualem indifferentiam pertingeret. Quod enim auctualis Beati fruitio, vel amor indifferentiâ contradictionis actuali careat, ex penuriâ rationum prouenit; quia nullas intellectus voluntati proponere potest, cur actum illum, in quo dulciter quiescit, abiciat & alium sibi adsciscat.

Ex

Ex qua ratiocinatione facilè iam intelligitur, quomodo indifferentia famosa contrarietatis & contradictionis, accidentaria tantùm sit ad veram rationem libertatis, & eidem actui libertate essentiali libero accedere, aut ab eo recedere possit. Nam per hoc solùm, quòd intellectus paratas rationes mutandi actum voluntatis habeat, aut non habeat, non variatur intrinsecus & essentialis modus agendi & se mouendi voluntatis, ideoque sub accidentali indifferentia eunte & redeunte manet immobilis eadem indifferentia essentialis liberi actus. Ac nisi essentialis ista indifferentia, seu modus se mouendi & tendendi in obiectum, ad veram propriamq; libertatem sine indifferentia contradictionis sufficiat, Deus in amore creaturarum plerumq; liber non erit. Nam infinita sapientia optimum semper voluntati diuinæ proponit. Cùm ergo amat, optimum est amare, nec amorem suspendere potest, nisi saltè pares sint ad non amandum rationes. Aliàs enim insipienter suspenderet. Insipientia autem in illam sapientiam cadere non potest. Hæc autem, vel similia atq; subtiliter introspiciebat Scotus, amorem & fruitionem Beatorum non tantùm *aliqualem*, sed etiam *simpliciter contingentem* esse dixit.

Cum enim docuisset, voluntatem Beati non esse impeccabilem, quia non est causa intrinseca prohibens potentiam peccandi ^{Scot. 4. d. 49. q. 6.} omnino reduci ad actum, sed per potentiam extrinsecā Dei præuenientem illam voluntatē, esse impossibilem potentiam propinquam ad peccandum: subdit postea, quòd propter determinationem qua voluntas Beati se determinat in suo ordine, sit *aliqualem contingentia*. Sed quòd effectus, inquit, qui provenit ab ipsa & alijs, non omnino contingenter proveniat ex contingentia eius, hoc ideo est, quia alia causa prior, nempe Deus, est determinata ad illum effectum.

Nec tamen subtilitas Scoti hic adhuc stat & quiescit, sed progressa ulterius, contingentiam non tantùm *aliqualem*, sed etiam *contingentiam simpliciter* reperit.

H ii

Aliter

Aliter enim dici potest, inquit, quòd contingentia voluntatis in suo ordine concludit contingentiam simpliciter effectus. Quia cuiuscumque est contingentia, concludit contingentem effectum, & per consequens, simpliciter contingens est quòd non peccet. Tamen nunquam eveniet, quia causa superior semper præservat.

Omnis verò hæc subtilitas profundissimis nititur fundamentis peculiaris istius modi agendi voluntatis, in quo essentialem, seu à necessitate coactionis libertatem constitutumus, & quem Scotus à voluntate connaturali modo agente ad eò inseparabilem esse post S. Bernardum censuit, ut *Caier.* *p. 7. 82* *a. 1.* verè dixerit Caietanus, *Scotum niti probare, quòd voluntati repugnet, habere actum elicitem naturalem omnino*, siue non liberum. Huic enim modo agendi voluntatis, sicuti indifferentia quædam (quam radicalem appellauimus) inseparabiliter adhæret; ita etiam contingentia quædam iudem radicalis, ab actu libero similiter inseparabilis. Quæ tamen ad actualem etiam contingentiam peruenire posset, si iuxta sententiam Scoti, Deus voluntatem Beati non custodiret; aut certè si n. utato rerum ordine, rationes nouæ ab intellectu voluntati suggeri possent, propter quas istum beatifici amoris actum in odium conuertere, aut suspendere, satius esse iudicaret.

Hinc etiam contra nouos Peripateticos, Scotus amorem illum non solum contingentem, sed etiam *laudabilem* esse dicit, *pro quanto ipsa voluntas in suo ordine contingenter se determinat.*

Neoterici verò illi, sicuti nullam in actu libero, præter accidentariam contrarietatis & contradictionis, indifferentiam imaginari possunt, aut volunt; ita nullam quoque contingentiam, præter actualem, quæ indifferentiam contrarietatis & contradictionis consequitur, agnoscunt. Vnde ab amore beatifico omnem contingentiam exclusam volunt, quia stante hoc ordine rerum à Deo constituto, ipso facto delinere non potest ille amor, ideoque S. Thomas *alicubi*

alicubi dixit, *impossibile esse, ut qui videt Deum per essentiam* S. Tho. 1. p. q. 60. a. ult.
non diligat ipsum; licet si modum intrinsecum, quo à voluntate creata egreditur, cum eodem S. Thoma & Scoto inspiciamus, contingentia etiam actualis ei non repugnet; ideoque radicalem, sed impeditam, habere meritò dici potest.

C A P U T X X.

An per libertatem essentialem, actus sit in potestate voluntatis.

HInc planè consequitur, non solùm per indifferentiam accidentalem contrarietatis & contradictionis, sed etiam per libertatem essentialem ac indifferentiam quæ ei inseparabiliter adhæret, actum dici & esse in potestate, & dominio voluntatis. Ideo enim Aristoteles, quasi eadem prorsus sint, *ἐφ' ἧν ἔναι in nobis*, seu in potestate nostra esse, καὶ ἐκούσια & esse spontanea, perfectâ nempe & voluntariâ sponte: *Quorum*, inquit, *principia in nobis sunt, etiam ipsa in nobis & spontanea sunt.* Imò, ut proximo Cap. ostendam, per solam indifferentiam accidentalem, actus nec liber, nec in potestate voluntatis propriè esset, nisi indifferentiæ accidentali essentialis etiam indifferentia misceretur.

Philosophiam autem istam esse apertè S. Augustinus patet. Nam cùm Pelagius dixisset, *Quia quod loquor meum est, utrumque facere possum, id est, & loqui, & non loqui*: ac postea, *Quia non peccare nostrum est, possumus peccare, & non peccare*; ubi ex eo quòd vnum extremum contrarietatis, aut contradictionis sit nostrum, seu in nostra potestate, colligit & alterum seu utrumque esse in nostra potestate; refellens eum S. Augustinus, *Quid si alius dicat*, inquit, *quia nolle infelicitatem nostrum est, possumus etiam & nolle & velle.*

velle: Et tamen eam velle omnino non possumus, Quis enim vllō modo possit velle esse infelix? Et pergit. Deinde, quia Dei multo magis est, non peccare, num audebimus dicere, eum & peccare posse, & non peccare? Absit à nobis, vt Deum peccare posse dicamus. Ecce, quomodo ex eo quòd non peccare sit Dei, seu in Dei potestate, cuius voluntas liberè abstinet ab omni malo, & tamen non sit in eius potestate alterum contradictionis extremum, quod est, velle malè agere.

Et sanè si S. Thomas, Scotus, & SS. Patres, vt antè demonstrauimus, in actu aliquo necessario necessitate naturalis inclinationis voluntatis, veram & essentialē quandam libertatem admittant, concedere quoque debent talem actum esse in potestate voluntatis; cū voluntatem vniuersos suos actus liberos in dominio & potestate suā habere, omnes cum Aristotele fateantur. Vnde pro iisdem passim vsurpant, actum liberum esse, & esse sub dominio ac potestate voluntatis. Et hinc negant, bruta habere affectus suos in potestate, quia appetitus eorum caret naturali seu essentiali libertate. Quare verò caret? Quia liberum est, quod est causa sui, ait S. Thomas; quod ergo non est sibi causa agendi, non est liberum in agendo. Vnde non habet dominium sui actūs. Tota ergo & vnica ratio, cur voluntas hominis libera sit, & per consequens domina sui actūs, est, quia à se ipsa mouetur, nec cogitur à natura sicut brutorum appetitus. Libertas enim voluntatis, vt alibi dicit, violentia vel co-

S. Tho.
lib. 2. c.
47. 48.
contra
Gent.

Idem q.
10. a. 2.
de Po.
tent.

Idem q.
24. a. 4.
de Verit

actioni opponitur. Vnde per remotionem illam coactionis, idem S. Thomas liberum arbitrium ab appetitu brutali essentialiter distinguì alibi docet. Explicans enim liberi arbitrij definitionem à Magistro Lombardo acceptam, Facultus rationis & voluntatis, & peculiarem rationem facultatis in libero arbitrio ceteris potentijs non communem, ingeniosè scrutans, facultatem, quasi facilitatem, dictam esse existimat: sed facultatem, inquit, non propter appositionem adiutorij, sed quia est per remo-

per remotionem impedimenti coactionis. Facultas verò quæ est per remotionem coactionis, addit determinatam naturam potentia. Quod tamen pertinet ad ipsam naturam potentia, sicut differentia quæ superadditur generi pertinet ad naturam speciei. Itaque ex mente S. Doctoris, per negationem illam coactionis explicatur positiva aliqua differentia, qua liberum arbitrium in sua specie constituitur, & ab appetitu brutorum essentialiter distinguitur.

Ab ista etiam incoactibilitate (sic enim differentiam illam appellemus) facultas liberi arbitrij habet, ut actus ^{ibid.} eius sint in eius potestate. Nam ideo S. Augustinus propriè liberum arbitrium facultatem nominavit, ait idem S. Thomas, quia facultas hoc importare videtur, quòd aliquid sit in potestate facultatem habentis.

Hanc etiam veritatem egregiè asseruit Cicero, cum ^{Cic. lib. de fato.} dixit, *Ad animorum motus voluntarios non esse requirendam externam causam. Motus enim voluntarius, inquit, eam naturam in se ipse continet, ut sit in nostra potestate nobisque pareat: nec id sine causa. Eius enim rei causa, ipsa natura est. Natura, inquam, propria & peculiaris voluntatis & animæ rationalis, quæ seipsam rationabiliter movet præcedente iudicio prædicto sui intellectus, & positis alijs, sine quibus actus eius in lucem exire nequit.*

Quod si contingat, necessitatem aliquam actui libero misceri, qualis est *beata necessitas*, ut S. Augustinus loquitur, beatifici amoris: illa tamen non est coactionis, sed naturalis inclinationis necessitas, cui *libertas, laus, & meritum* non repugnant, ut toties inculcat S. Thomas; ideoque talis actus in potestate & dominio voluntatis permanet, quidquid recentes arbitrij libripendes reclament. Vnde etiam si liberum Christi arbitrium, inquit S. Thomas, esset determinatum ad unum numero, sicut ad diligendum Deum (quod non facere non potest) tamen ex hoc non amittit libertatem, aut rationem LAUDIS, siue MERITI: quia in illud non coactè, sed

s. Aug. c. 31. de spirit. litter. sponte tendit, & ita est ACTVS SVI DOMINVS. Quid expreſſius, quid manifestius potuit? Nec obscure etiam S. Augustinus, probans fidem esse in potestate voluntatis. Vide, inquit, *utrum quisque credat, si noluerit; aut non credat, si voluerit. Quod si absurdum est (quid est enim credere, nisi consentire verum esse quod dicitur? Consensio autem utique volentis est) profectò fides in potestate est. Vbi sufficit ei consensionem esse volentis, ut dicatur esse in potestate voluntatis. Nam ipse consensus voluntatis primò & immediatè est in potestate voluntatis, & eo mediante ceteri actus quos voluntas libero consensu imperat.*

Idem lib. 2. c. 1. Retract. Vnde ipse disertè alibi: *Non dicimus esse in nostra potestate, nisi quod cum volumus, fit: ubi prius, & maxime est ipsum velle. Sine illo quippe intervallo temporis præstò est volentis (volitio) ipsa, cum volumus. Ipsa igitur volitio per se & proximè est in potestate facultatis animæ, quæ appellatur etiam vſitatiùs à Philosophis voluntas, & per illam volitionem in eiusdem potestate sunt ceteri hominis motus qui ex volitionis illius imperio fluunt. Si verò ad volitionem suam eliciciendam voluntas sola non sit sufficiens, sed aliquod præterea comprincipium exigat, actus ille in potestate quidem voluntatis dicetur esse, sed non in eius solius. Ut quid enim dixit Apostolus, Deum facere, inquit Augustinus, si hoc sine ipsius adiutorio in sola nostra est potestate? Similiter nec causæ primæ ad agendum concursus quidquam obstat, quo minùs volitio nostra sit in potestate nostræ volùtatis, etiam si non solius. Nec enim oportet quòd ab instrumento omnino excludatur ratio libertatis, ait S. Thomas, quia aliquid potest esse ab alio motum, quod tamen seipsum mouet: & ita est de mente humana.*

C A P U T X X I.

*Indifferentia contrarietatis & contradictionis non me-
retur nomen libertatis, nisi libertas essentialis
ei coniuncta sit.*

Nemo indifferentiam aliquam in actionibus bruto-
rum negare potest. Est enim indifferentia ad agere & S. Tho.
q. 14. a.
2. 1o
& non agere in bruto, ait S. Thomas, considerata ipsa
actione secundum seipsam. Ac deinde: Bruta beneficijs inducun- Verit.
tur, & flagellis prohibentur, propter indifferentiam actionum.

Dubitat enim famelicus canis, an baculi ictum fugere, an
eo contempto ollam inuadere velit. Dubitat sinua an ca-
staneas ex ardenti cinere manu sua euoluere, an potius do-
lorem ignis vitare malit. Aut certè, conspectâ vicinâ fele,
tertium ei occurrit, quo & voluptate fruatur, & dolore
careat: manu felis carbonem dimouet, & cineres dissipat.
Cur igitur nulla ibi libertas, si inter duo ambigere, & unum
tandem amplecti, sit liberum esse?

Bruta tamen libertate carent, quia licet interdum sic
vacillent & indifferentiâ quadam suspendantur, non mouet
se tamen libertate essentiali in hanc aut illam partem, sed
quoque; declinant, non à se, sed ab impetu naturæ quasi
extunduntur. Homo enim indifferens aut hanc, aut illam
seipsum per voluntatem flectit, brutum aut huc, aut illuc
ab alio quodammodo protrahitur. Itaque sub accidenta-
lem indifferentiam contrarietatis aut contradictionis li-
bertas & indifferentia essentialis subintrare debet, per
quam voluntas ex illa accidentali indifferentia in alter-
utram partem per spontaneam inclinationem, non per imperium
effreni, ut bruta solent, se determinet. In hoc enim spon-
taneum perfectum & humanum à spontaneo imperfecto &
brutali distinguitur, ut toties iam antè diximus. Homines

propria sponte se agunt, bruta licet appetitiones suas producant, in eas tamen à natura aguntur & præcipitantur.

S. Tho. 1. 2. q. 17. a. 2. Etum natura; quia appetitus eorum statim apprehenso conuenienti vel disconuenienti, naturaliter mouetur ad prosecutionem vel fugam. Vnde ordinantur ab alio ad agendum, non autem ipsa seipsa ordinant ad actionem. Alibi verò hunc ordinatum & har-

Idem 1. 2. q. 13. a. 2. monicum agendi modum quem seruant, & à summo Opifice impressum bruta habent, ordini & motibus horologiorum elegantissimè comparat. Veluti enim ratio quædam horologio inesse videtur, quæ motus eius artificiosè administret; cum tamen non nisi sit ratio externi artificis, quæ rotas & pondera disposuit; ita bestia (præsertim quæ prudentes & sagaces, vt elephanti, canes &c. appellantur) rationem interiorem quæ ipsas moueat habere videntur, cum tamen flexus & figuræ illæ actionum à sola ratione supremi artificis, qui naturales inclinationes dedit, aut ab hominibus qui motus artificiales docuerunt, quodammodo imprimantur.

Libertas verò & indifferentia essentialis humanæ voluntatis vsque ad indifferentiam accidentalem perueniet, si intellectus rationes habeat, quibus voluntas moueri valeat, vt contrarium amplectatur, aut ab amore cesset. Vnde cum rationes istæ à varijs circumstantijs & euentibus sæpe pendeant, fieri potest, vt uno tempore voluntas libertate accidentali contrarietatis aut contradictionis sit libera, alio verò tempore solâ libertate essentiali contenta sit. Vt si anima sancta amorem huius vitæ, libertate contradictionis & contrarietatis liberum, in vitam beatam continuat, ubi exutâ hac contrarietatis & contradictionis libertate, solam essentialem libertatem retineat. Quando autem contrarietatis aut contradictionis, non tantum indifferentiam, sed libertatem appellare solemus; non nudam indifferentiam, sed libertate essentiali quasi suffultam

suffultam intelligimus. Nam sine ista essentiali libertate, indifferentia contrarietatis & contradictionis nec rationem veræ libertatis habet, nec nomen meretur, vt iam diximus.

Vnde etiam noui libertatis libripendes, non possunt in mera & formali illa voluntatis indifferentia, suspensione, æquilibrio, vacillatione, nutatione &c. propriam rationem libertatis constituere, sed in potentiâ geminâ voluntatis ad agendum & non agendum libertate essentiali, proximè tamen in vtrumque, vt aiunt, expeditâ. Differuntq; solum in hoc à nobis: quod nullum actum voluntatis liberum agnoscere velint, nisi emanet à voluntate ita in vtrumque paratâ & proximè accinctâ, vt nullâ omnino, ex parte intellectûs aut voluntatis mutatione factâ, tam possit voluntas in contrarium latus quàm in illud quò se demittit, vergere. Hoc verò vt multis Cap. antè ostendimus, non tantum Aristoteli, S. Thomæ, SS. Patribus, toti Philosophiæ morali, sed apertæ experientiæ putamus repugnare. Nam etiam qui in vtrumque latus deliberant, tandem intellectu & prudentiâ in alterum se resoluunt, vnicumque illud voluntati eligendum proponunt; nec ferè vnquam, & fortè nunquàm, duo iudicia vltima practica simul sunt in eodem intellectu; quasi duæ lucernæ, quarum vnâ vel alterâ indifferenter prælucente, voluntas cæca hanc vel istam viam proximè possit carpere. Nani finitâ consultatione, in momento quo sententia fertur, omnes ceteræ lucernæ & cogitationes de alijs medijs eligendis, præter vnâ, extinguuntur. Vnde licet remaneat in voluntate potentia aliam viam ingrediendi; non tamen est proximè expedita, quia lucernam eo instanti nullam habet, quæ gressus eius antegrediatur. Sed videamus quomodo quidam, qui videntur ceteris acutiores, salebram istam saltent, & ex veritatis reti se expédiant.

CAPUT XXII.

Etiam ad libertatem contradictionis, siue ad liberam suspensionem actûs, opus est iudicio aliquo peculiari intellectûs.

CUm ergo quidam viderent ad paucissimos, aut fortasse nullos omnino voluntatis actûs, libertatem redigi, & strangulari ab illis trutinatoribus qui eam se relaxare credunt; speculati sunt, ad libertatem saltem contradictionis non opus esse pluribus iudicijs intellectûs, sed per vnicum iudicium de bonitate obiecti amabilis, voluntatem sufficienter suspendi inter amorem & liberam eius cessationem.

Suar.
tom 1. f.
19 scil.
6. Me.
saph.

Vnde licet admittant, necessarium esse aliud iudicium, ut voluntas actu positiuo aliquid aliud amet, non tamen ut actum suum subducatur, aut ab initio eum suspendat. Sic enim philosophatur nobilis quidam inter ipsos. *Licet intellectus de vno tantum obiecto cogitet & illud iudicet conueniens & dignum ut appetatur, & quantum potest practicè inuitet voluntatem ut illud appetat; adhuc potest voluntas pro sua libertate illud non amare. Quia ad non exercendum actum præcisè, non indiget alio iudicio, sed satis est, ut per illud quod homo nunc habet, non iudicet hoc bonum esse hic & nunc sibi necessariò diligendum.*

Hæc tamen opinio, quamvis primâ fronte satis probabili occurrat, cum Aristotele tamen, verâ Philosophiâ, ut existimo, & communi sententiâ Theologorum pugnat.

Philosophi enim & Theologi passim docent, intellectum, siue rationem, esse radicem vtriusque libertatis, tam contradictionis quàm contrarietatis; quia intellectus non solum de actu positiuo voluntatis, sed etiam de cessatione eius, iudicium ferre potest.

Potest

Potest enim homo velle & non velle, ait S. Thomas, *potest etiam velle hoc aut istud. Cuius ratio ex ipsa virtute rationis accipitur. Quidquid enim ratio potest apprehendere ut bonum, in hoc voluntas tendere potest. Potest autem ratio apprehendere ut bonum, non solum hoc quod est velle, sed etiam hoc quod est non velle.* *S. Tho. 1. 2. q. 1. a. 6*

Vnde ipse & Theologi passim dicunt, ideo Beatos non posse à visione, aut amore beatifico liberè cessare, quia non possunt cessationem illam sub aliqua ratione boni apprehendere, id est iudicare. Apprehensionem enim Philosophi ferè indifferenter pro omni, etiam iudicatiua operatione intellectûs vsurpant.

Hinc cum sibi alicubi obiectasset S. Thomas, In libertate arbitrij positum esse, vti habitu, vel non vti, Ergo Beati possunt non vti lumine gloriæ, aut charitate, quæ sunt gratiæ quædam habituales, respondet: *In potestate liberi arbitrij esse non vti habitu, quando potest hoc ipsum quod est non vti habitu, sibi proponi sub specie boni. Quod de gratia in Beatis accidere non potest.* *Idem q. 24. a. 8. de Veris*

Et inter capitales Thomistas Capreolus: *Clarè videns Deum, inquit, non potest quantum ex se est iudicare quòd bonum esset suspendere illum actum fruitionis, ad experiendam propriam libertatem (nulla enim alia ratio suspendendi, quàm ista, Capreolo occurrebat) quia istud iudicium contrariatur iudicio, quo iudicat tale obiectum pro tunc esse diligendum. Vbi negat posse suspendi illum actum, quia deest iudicium practicum, quo propter aliquam conuenientiam suspendendus esse iudicetur.* *Capreol. 1. d. 1. q. 3.*

Et Soncinas: *Quidquid potest voluntas, sub ratione boni apprehenditur, sed cessare ab actuali amore diuinæ essentia clarè visæ, non apprehenditur ut bonum, Ergo &c.* *Soncin. ibid.*

Et Medina: *Voluntas non potest aliquid velle, nisi sub ratione boni; sed Beatus videt apertè quòd nō sit aliqua ratio boni propter quam à gaudio beatitudinis desistat; ergo non potest illud velle.* *Medin. 1. 2. q. 4. a. 1.*

In qui-

In quibus verbis aduerte, Medinam & omnes alios passim, pro eodem habere, *desistere à gaudio*, & *velle desistere* per actum volendi positivum, quo ipsa desitio appetitur.

Vnde iam nascitur novum argumentum. Nam certum est, positivum actum volendi ipsam desitionem seu suspensionem actûs, requirere iudicium aliquod particulare de bonitate suspensionis, cum cæca voluntas nullum obiectum positivum aut negativum appetere valeat, nisi cognitum. Igitur etiam mera suspensio ac pura omisio actûs voluntatis, si sit libera, exigit rationem aliquam & iudicium intellectûs, cur conveniens sit talem actum suspendere. Nam suspensio voluntaria ac libera censetur suo modo etiam vitaliter à voluntate effici, ideoque in tali etiam effectu voluntas directione intellectûs indiget. Vnde is qui actum suspendit, rogatus, rationem aliquam semper reddere poterit, cur id fecerit. Nec enim unquam sola voluntas pro ratione esse potest. Vnde & pessima illa Xantippe marito & toti familiæ tyrannicè apud Satyricum imperitans, quando clamat,

Iunen.

Hoc volo, sic iubeo, sit pro ratione voluntas,

habet rationem facti sui, sed eam quærentibus superba reddere contemnit. Rationes autem illæ, quas ad amandum obiectum, voluntati intellectus proponit, ad suspensionem liberam amoris non sufficiunt, quia alia prorsus & opposita est bonitas & conditio bonitatis obiecti positivi, aut positivi actûs, alia privationis; velut alia est conditio visûs & cæcitatís, alia utilitas diei & noctis.

Et sensum hunc Philosophorum communem esse, inde patet: quòd libertatem contradictionis ideo negent esse in brutis, quia negatio appetitionis, inquirunt, non continetur sub obiecto brutalis imaginationis, ideoque bonitas eius ab imaginatione appetitui bruti proponi non potest.

Potest tamen actus liber humanæ voluntatis, sine iudicio intellectûs præeunte, per somnum, vel alias causas naturales extinguí. Sed illa non est libera cessatio & suspensio actûs, sed solum simplex & naturalis interitus; sicut etiam

etiam interit actus appetitus bruti, cum in somnum incidit, aut aliâ de causâ extinguitur lumen actus imaginationis, quo se brutum in appetendo, quoquo modo dirigebat.

Hinc tandem etiam Suarez senex Theologus, seipso Metaphysico doctior factus, in nostram & communem viam reuerſus, *Licet ad suspendendum actum*, inquit alibi, *non* ^{Suar. lib 3. c. 3. de Angel} *intercedat positiua volitio formalis, intercedit tamen virtualis, ratione cuius dicitur illa suspensio voluntaria ac libera. Et ideo ad illam etiam necessarium est, vt illa suspensio sub aliqua ratione boni seu conuenientis representetur.* Vnde tacitè reuocare videtur, quod in Metaphysica asseruerat, Ad suspensionem liberam sufficere, vt iudicium vnicum quod homo nunc habet, non iudicet hoc bonum hic & nunc esse sibi necessariò diligendum. Hoc autem profectò, vt iam ostendimus, non sufficit. Nam bonitas obiecti amabilis, de qua sola intellectus cogitat, tantùm allicit voluntatem, vt actum suum in eam exerat, aut continuet, non vt eum suspendat, aut retrahat.

Doctrina ista Suarij hoc etiam falsi, vt puto, admiscet: quòd existimet, quotiescumque voluntas necessitatur, oportere ei ab intellectu ostendi aliquam necessitatem ex parte obiecti, propter quam necessariò in amorem rapiatur. Quod statim apparet falsum in fatali raptu, quo Deus voluntatem cum plena aduertentia rationis, nihil de aliqua necessitate cogitantis, ad amandum cogere posset, vt cap. XVIII. differuimus. Item in motibus primò primis voluntas nostra necessitatur & cogitur ferè sicuti bruta, cum tamen intellectus plerumq; nullam in tali obiecto amandi necessitatem esse iudicet, sicut re vera, vt plurimùm, nulla est. Vnde si iudicaretur inesse, iudicium esse falsum: ac consequenter, quotiescumque Deus motibus primò primis voluntatem hominis præuenit & excitat, semper intellectui iudicium falsum & lumen fatuum infundere deberet, quandocumq; in obiecto, ad quod amandum excitat, nulla est amandi necessitas. Bruta quoque, pueri, amentes, somniantes, in appetitibus suis necessitantur, etiamsi nulla in ipsis sit cognitio necessitatis.

K

CAPUT

C A P U T X X I I I.

*Incommoda quæ secum vehit pensilis nouorum
Peripateticorum libertas.*

CUm igitur ad liberam suspensionem actûs voluntatis requiratur aliquod iudicium intellectûs, quo eius utilitas, aut bonitas representetur voluntati, non secus ac ad eliciendum positiuum actum amoris, profectò non minùs ad libertatem contradictionis, siue ad volendum & non volendum, opus erit duplici iudicio intellectûs vtrumque extremum ostendentis, quàm ad libertatem contrarietatis, siue ad volendum hoc, & volendum contrarium eius.

Hinc quia noui arbitrij libripendes nullam aliam libertatem agnoscunt, nisi quæ, vt minimum, habeat indifferenciam contradictionis, quâ voluntas in vtramque partem contradictionis proximè & eodem momento expedita sit; concedere etiam debent (quod quidâ vltro totis viribus nobis obtrudunt) nullum actum esse liberum, nisi qui à voluntate gemino vtrimque iudicio sic accincta & suspensa elicitur. Vnde hæc eos incommoda & absurda sequuntur.

In primis, rarissimos aut nullos, vt aliquoties dixi, liberos & humanos actus eliciemus; quia non experimur nos duobus iudicijs in vtramque partem accinctos esse eodem momento, quo aliquid appetimus. Imò Bellarminus & alij, vt superius à nobis dictum, duo talia iudicia vltima practica in vno intellectu, eodem instanti coëxistere posse, tanquam impossibile respuunt.

Secundò virtutum laudes & merita extinguunt. Sine libertate enim nulla laus, nullum est in actibus virtutum meritum. Nullus verò, si ipsis credimus, virtutis actus est liber & humanus, nisi eodem momento quo elicitur, intellectus

telle&us de turpitudine contrarij vitij, aut de suspendendo actu simul cogitet & iudicet; quod sanctissimi quique minimè omnium faciunt.

Vnde tertio, pessimè faciunt, qui meditando & contemplando Deum, *ad id quod mente contingunt, totam animam suam colligunt, ibique stabiliter infigunt, vt loquitur S. Augustinus.* S. Aug. lib. 2. c. 16. de lib. arb. Falsumque erit quod addit, *Meliorẽ esse animam, cum in contemplatione summæ sapientiæ, obliuiscitur sui præ charitate incommutabilis Dei.*

Ista quippe totius animæ in vnum collectio & sui aliarumq; rerum præter vnã obliuio, secundum nuperam istam Philosophiam, hoc efficiet, vt voluntas quidem ardeat amore vnus dilecti, qui intellectum totum & totam voluntatem occupat; sed amor iste nullius laudis, nullius meriti particeps erit, voluntate non æquilibrata aut inter amandum & non amandum suspensâ, sed per vnicum iudicium ad amandum determinatâ, & unico illi obiecto amabili infixâ, nec ad aliquid aliud circumspiciente: cum tamen in ista Philosophia, circumspicere & distrahi ad multa simul cogitanda deberet, vt suspensa & libera esset.

Quid ergo putant? Beatissimam Matrem, aut Christum Filium, quando hic in terris implebant præcepta Dei Patris, cogitasse etiam de non implendo, vt in voluntate implendi, liberi esse possent? Voluntatem suam inter facere & non facere suspendisse, vt liberè facerent? Atqui omittere præcepti obedientiam sine peccato non poterant: peccati verò, tantâ gratiâ præuenti & muniti, incapaces erant. Imò addo, quod etiã si Christus peccati capax fuisset, apertâ tamen contradictionem implicet, cum primo instanti existentia suâ agendo aut omittendo, peccasse. Cum enim in gratia sanctificatæ creatus fuerit, si primo instanti, peccasset, habuisset & non habuisset eodem momento gratiam sanctificantem; quia peccatum mortale secum gratiam illâ intra idem instans non compatitur. Vnde Christus (& eadem

est ratio de Angelis, in g^{ra}tia sanctificante creatis) primo instanti per actum liberum amoris, diuinum præceptum impleuit, quo tamen instanti, sine implicantiâ contradic^{ti}onis, omittere eum, substituendo in locum eius priuationem actûs, non potuit.

S. Tho.
3. d. 18.
q. 1. a. 2. Credo ergo, & repeto illud S. Thomæ: *Etiamsi liberum Christi arbitrium esset determinatum ad vnum numero, sicut ad diligendum Deum (quod non facere non potest) tamen ex hoc non amittit libertatem, aut rationem laudis siue meriti: quia in illud non coactè, sed spontè tendit (spontaneo nempe humano, non brutali) & ita est actûs sui dominus.* Si determinatus ad amandum erat, non erat indifferens ad non amandum. Et tamen liber erat, quia perfectâ & humanâ sponte sine coactione violentâ, fatali, aut brutâ, hoc est *ρηνή*, non *δρμη* se ad amandum mouebat.

Quartò, quando Deus voluntatem humanam excitare vult ad liberum diuini amoris consensum, non tantum debet intellectum iudicio practico, de exercendo amore, illuminare, sed iudicium (si homo tunc illo careat) de odio Dei exercendo, aut de suspendendo amoris actu procurare. Sine enim tali iudicio, voluntas eo instanti vtrunque suspensa & librata esse non potest: quod tamen ad libertatem consensûs Philosophia ista requirit.

Quintò, plurimi actus humani, vt vota Religiosorum, contractus Matrimoniales, administrationes Sacramentorû, &c. irriti sapissimè erunt, si vera est illa pensilis arbitrij Philosophia. Nam quando actus illi exercentur, non raro homines ad vnum, quod agunt, attenti sunt, nec de contrario, aut suspensione actûs vllatenus eo temporis momento cogitant. Vnde nec in exercitio isto liberi erunt, si axiomati Io. Salas credimus: *Necessitatur voluntas inquit, quoties intellectus nullum examen facit de bonitate & malitia obiecti, sed præcisè cogitat de bonitate, vel præcisè de malitia.* Vnde eiusmodi omnes actus pro primò primis & indeliberatis habet.

Quasi

Quasi verò ad libertatem actus, deliberatione opus sit, quando bonitas ipsa apertè & vtrò in oculos mentis incurrit, & nisi stultè & ex superuacuo adhibeatur, amor talis boni liber futurus non sit. Si verò tales actus in se formaliter liberi non sint, irriti & inualidi erunt, cum ex sententia communi Theologorum, ad valorem libertas, non tantum in causa, sed in se & formalis requiratur.

Sextò, plurima flagitia & grauissima peccata à culpa excusat ista Philosophia, ideoque non de nihilo, morum corruptela vocari potest. Nam quotiescumque ebriosi, scortatores, &c. flagitijs suis attentissimè operam dantes, de honestate contrariæ virtutis, aut de cessatione actus non cogitabunt, nulli culpæ obnoxij erunt, quia pensili, circa vtrumq; contrarietatis, aut contradictionis extremum, libertate carebunt. Vnde silere talia flagitia in Sacramento Confessionis, tanquam motus primò primos poterunt. Nam licet plenissimâ rationis ad vnum aduertentiâ fuerint operati, nullo tamen contrarij aut contradictorij iudicio suspensi fuerunt, vt liberi essent. Et tamen quotusquisque est, præsertim ex proiectè & ex professo malis, cui inter medias, *quas ex electione & propter ipsas prosequitur*, voluptates, de virtute opposita, aut de cessatione in mentem venit?

*Arist. lib.
7. c. 8.
Ethic.*

Dicamus ergo potiùs cum doctissimo Medina & passim melioribus Theologis: *Dum hanc vitam viuimus, omnis operatio humana libera est, quod vel sola experientia comprobatur. Est enim situm in nostra potestate, velle & non velle, amare & non amare.* Quod cum nulla ratione verum esse possit, si pensilis illa indifferentia inter duo iudicia practica, ad omnem actum liberum necessaria sit, signum est, Philosophiam illam nouorum Peripateticorum falsam esse, & veri tantum similitudine fallere.

*Aledin.
1. 2. q.
9. a. 4.*

CAPUT XXIV.

*Sancti Patres olim voluntatem & liberum arbitrium
indifferenter pro eodem usurparunt, non male
tamen post Aristotelem S. Thomas ista
distinguit.*

S. Augustinus & Patres Græci Latinique voluntatem, connaturali suo modo agentem, plerumque non distinguunt à libero arbitrio, sed utrâque voce ut synonymâ uti solent. *Patres quippe liberum arbitrium voluntatem esse definierunt*, inquit Damascenus. Testimonia ex Augustino & discipulis eius accumulare est superfluum. Passim enim in libris contra Pelagianos omnibus Lectoribus attentis occurrunt.

*Damas.
lib. 3. c.
14. Or.
ibid.*

Quoties enim non dicit & iterat, Deum per liberum arbitrium gratiâ adiutum ab hominibus amari? Amor tamen iste est amor ultimi finis, & actus voluntatis, prout Aristoteles eam à libero arbitrio distinguit.

Sed quia non tantum electio mediorum ad finem, sed ipsa intentio finis est libera; ideo non solum voluntatis, sed etiam liberi arbitrij nomen, non immeritò ad intentionem & amorem finis extendunt. *Vbi enim voluntas, ibi libertas*, inquit Bern. *Et hoc est quod dici puto liberum arbitrium.* S. Thomas verò Aristotelem secutus, sicut in potentiâ intellectiua, intellectum & rationem; ita in appetitiua voluntatem & liberum arbitrium distinguit. Intellectus enim vocatur quatenus assentitur principiis per se notis, Ratio vero quatenus conclusionibus per ratiocinationem inde eductis. Simili autem modo, eadem potentia appetitiua appellatur voluntas, ut est principium amoris finis, liberum verò arbitrium, ut præviâ arbitratione & consultatione medium aliquod eligit. Vnde S. Thomas liberum arbitrium *vim electivam*

*S. Ber. de
lib arb*

*Arist.
lib. 3.
c. 5. 6.
Ethic.*

electiuam esse definit. Sed ipsum audiamus. Sicut ex parte s. rbo. apprehensionis intellectuæ se habent intellectus & ratio, ita ex parte appetitus intellectuæ se habent voluntas & liberum arbitrium: quod nihil aliud est quàm vis electiuæ. Nam intelligere importat simplicem acceptionem alicuius rei. Ratiocinari autem propriè est deuenire ex vno in cognitionem alterius. Vnde propriè de conclusionibus ratiocinamur, quæ ex principiis innotescunt. Similiter ex parte appetitus, velle importat simplicem appetitum alicuius rei. Vnde voluntas dicitur esse de fine, qui propter se appetitur. Eligere autem est appetere aliud propter alterum consequendum. Vnde propriè est eorum quæ sunt ad finem. Ac deinde concludit: Vnde manifestum est, quòd sicut se habet intellectus ad rationem, ita se habet voluntas ad vim electiuam, id est ad liberum arbitrium.

Hoc discrimen voluntatis & liberi arbitrii apud S. Thomam, multos non satis circumspectos fefellit, & in confusionem erroresque varios, abduxit. Et maximè istud aliud quod ex illo discrimine S. Doctor elicit. Nempe, quòd sicut intellectus per ratiocinationem à principiis ad conclusiones, non autem per simplicem assensum principiorum, discurre dicitur; ita potentia appetitiua propriè tantum se moueat, quando ratiocinationem & consultationem intellectus sequitur, & ex intentione finis progreditur ad medijs electionem. Vnde sæpè negat voluntatem in amore finis seipsam mouere, sed solum post consultationem in electione mediorum, id est, sub ratione liberi arbitrii, non sub ratione voluntatis consideratam.

Audiamus iterum ipsum. *Voluntas mouet seipsam, in quantum per hoc quòd vult finem, reducit seipsam ad volendum ea quæ sunt ad finem. Hoc autem non potest facere, nisi consilio mediante.*

Et quidem adeò æstimat modum istum proprium se mouendi per liberum arbitrium, procedendo ab intentione finis ad electionem mediorum, vt solam electionem ex voluntate

Idem 1. *luntate deliberatâ procedentem, dicat esse actionem propriè hu-*
2. q. 1. *manam, & cuius homo sit dominus; ad intentionem verò finis*
4. 1. *voluntatem non moueri propriè à se, sed ab extrinseco,*
2. q. 9. *ideoque actionem illam non esse propriè humanam & libe-*
4. *ram. Quod explicans Caietanus: Hic actus, inquit, dici-*
2. q. 9. *tur esse ab exteriori agente, eâ ratione qua motus grauis à gene-*
4. *rante dicitur; & meritò. Quia ad hunc actum voluntas non con-*
2. q. 9. *currit, vt propter finem agens, sed vt ad finem tendens ex dire-*
4. *ctione superioris agentis, ordinantis ipsam in hoc. Et propterea*
2. q. 9. *hic actus, licet sit velle, & voluntatis, & à voluntate vt eli-*
4. *ciente actum; non tamen est voluntarius, quia non est à volun-*
2. q. 9. *tate vt applicante se ad volendum, sed naturalis: quia dator na-*
4. *tura applicat ipsam mediante inclinatione data ad volendum.*

Breuitè ergo. Vt voluntas propriissimè dicatur se mouere, debet sibi quasi impulsus quendam priorem dare & imprimere, & deinde ex eo ad aliquem alium actum vltiorem se euoluere. Hoc autem facit solùm, quando ex praua intentione finis, ad electionem mediorum, interpositâ intellectûs consultatione, transgreditur.

Tunc enim peculiari & magis proprio modo se applicat ad volendum vultque è seipsa, quando seipsam priori aliquo actu excitat, adinouet, & quasi appropinquat alteri obiecto, vt ipsum propter finem amatum amplectatur. Vnde certum est, inquit Caietanus, quòd ad volendum sufficit voluntas cum obiecto, sed ad volendum à se, ita vt ly, à se, dicat causalitatem applicantem seipsam ad volendum, non sufficit voluntas cum obiecto, sed exigitur voluntas prauolens finem. Et ratio huius est, quia velle à se non solùm importat velle, sed agere, seu mouere. Quod quia oportet fieri propter finem, præexigit naturâ vel tempore appetitum finis.

Caiet.
ibid.

Qua S. Thomæ doctrina quidam recentiores abusi, solum illum actum voluntatis liberum esse dicunt, quem consultatio & deliberatio intellectûs præcessit, id est, solum electionem mediorum, non finis intentionem, nisi eam

eam aliqua etiam consultatio antegredietur. Quamuis si de fine instituaturs consultatio, nondum consideretur ut finis, sed in tali consultatione solum argumenta & media proponantur, quibus ad cognitionem eius, ut finis est, perueniri possit. *Quod enim accipitur ut finis*, ait Doctor Angelicus, *est iam determinatum. Unde quamdiu habetur ut dubium, non habetur ut finis. Et ideo si de eo consilium habeatur, non erit consilium de fine, sed de eo quod est ad finem.* Ac deinde: *De fine non est consilium, sed supponitur in consilio, ut principium.*

S. Tho.
1. 2. q.
14. a. 2.
6.

Vbi enim finis est semel determinatus, neque Medicus, an sanare, neque Orator, an persuadere, neque ex alijs quisquam do fine consultat, ait Aristoteles, sed omnes cum finem quandam statuerint, quomodo ac per qua euenire is possit, deliberant.

Arist. lib
3. e. 5.
Ethic.

Illam verò doctrinam S. Thomæ, qua affirmare videtur intentionem, siue primum amorem finis non esse liberum, sed naturalem, sæpe oppugnat Scotus. *Natura & voluntas*, ait alicubi, *sunt principia actiua habentia oppositum modum principiandi; ergo cum modo principiandi voluntatis non stat modus principiandi naturæ.* Ex quo infert, voluntatem non necessitate naturali velle finem. Quia eadem est potentia qua vult finem, & illud quod est ad finem; ergo habet eundem modum agendi: quia diuersi modi agendi arguunt diuersas potentias. Voluntas autem liberè operatur circa ea quæ sunt ad finem; ergo & circa finem.

Scot. 1.
d. 1. q. 4.

Sed id re verà non negat S. Thomas. Licet enim dicat, primum motum voluntatis prodire ex instinctu alicuius exterioris mouentis, ut Aristoteles cõcludit in quodã cap. Ethicæ Eudemicæ, non negat tamen esse voluntarium, voluntatemq; sufficienter se mouere, ut actus liber ille dicatur; imò apertè ibidẽ affirmat. Ait enim, ad voluntarium sufficere, ut principium eius, sit intra, sed non oportere, ut hoc principium intrinsecum sit primum principium non motum ab alio. Unde motus voluntatis etsi habeat principium proximum intrinsecum, tamen principium primum est ab extra. Et deinde: Voluntas quantum ad aliquid sufficienter se mouet & in suo ordine, scilicet sicut agens pro-

S. Tho.
1. 2. q. 7.
a. 4.
Arist. lib
7. e. 14.
Eudem.

S. Tho.
ibid. a.
1. e. 3.

Nam, vt acutè Caictanus, *dum vtor voluntate meâ, applicando illam ad amandum Deum, consentio in talem vsum, & eligo illum.* Et sic vsum habet rationem actûs, & cum hoc (id est, simul) est volutus vt obiectum consensûs & electionis. Vnde sicut in propriè dictâ electione mediij ad finem, voluntas proprijsimè se mouet; ita in amore isto finis vltimi, propriè & quantum ad libertatem sufficit, etiam se mouet, quandoquidem amorem illum aliquo modo eligat, reflectendo se, saltem explicitè, supra ipsum, & ad eum eliciendum se applicando, vt mediante eo se vltimo fini coniungat. Deinde propter nominum vicinitatem, ait Eustratius, *in vso quotidiano, velle & eligere, quasi idem significant.* Vt cum dicimus, *eligo, seu propono agrum colere, id est, volo.*

Eustrat. lib. 3. c. 2. Et ibi

Nec doctrinæ superiori repugnat, quòd S. Thomas dicat, voluntatem ad primum amorem finis ex instinctu causæ superioris moueri. Hic enim instinctus non est impetui brutali similis, nec libertati voluntatis repugnat. Vnde cum alicubi sententiam hanc Aristotelis laudasset, *Hic qui mouentur per instinctum diuinum non expedit consiliari secundum rationem humanam, sed vt sequantur interiorem instinctum, quia mouentur à meliori principio, quàm sit ratio humana; postea ait, hominem isto instinctu sic à Deo agi, vt etiam agat in quantum est liberi arbitrij.* Vide ibi Medinam Magistri sui sensum optimè enarrantem.

Arist. lib. 7. c. 14. Eudem. S. T. lib. 1. c. 9. 68. a. 1. d. 3

C A P U T XXV.

Variae definitiones potentiae liberæ apud antiquos

Liberum arbitrium generaliter; prout tam amorem finis, quàm electionem mediorum respicit, id est potentiam liberam in genere, definit S. Prosper, *Rei sibi placita spontaneum appetitum.* Vbi spontaneum, perfectum intelligit, quo voluntas seipsam spontè in bonum mouet, non autem mouetur, & velut extruditur à natura, sicut

S. Prosper. c. 19. contra Collat.

I ij brutorum

S. Tho. lib. 1. c. 88. contra Gent. brutorum appetitus. Vnde S. Thomas probat in homine & Deo esse, liberum arbitrium, quia ad volendum iudicio rationis inclinatur, non impetu naturæ, sicut bruta.

Scotus & Henricus hanc ex S. Anselmo probant definitionem: *Instrumentum seipsum mouens*. Mouet quippe se voluntas (quæ sola est liberum arbitrium, siue potentia formaliter libera) longè aliter, quàm appetitus brutorum, ut iam proximè, & toties antè diximus. S. Bernardo post S. Augustinum ista placet: *Potentia quæ cogi non potest*. Si nempe modo naturæ suæ connaturali agat.

In 1. d. 24. Magister Lombardus hanc ex S. Augustini itidem doctrina format: *Facultas rationis & voluntatis*. Est enim potentia libera facultas rationis, siue rationalis, quia rationem in operatione suatantum ducem sequitur. Est etiam facultas voluntatis, quia actus quem elicit est proximè voluntarius, non necessitate coactus, illâ nempe necessitate, quam cap. XVIII. explicauimus.

Addit verò suæ definitioni Magister, *qua bonum eligitur gratiâ assistente, vel malum eadè desistente*. Nō quasi hoc ad definitionis conuertibilitatem sit necessarium, sed ut indicet, à Theologo & Philosopho morali solùm attendi libertatē respectu boni & mali. Deinde vno verbo docere voluit quod S. Augustinus ubiq; inculcat; voluntatem expeditiorem esse ad malum quàm ad bonum; cōm ad volendum malum, sibi sufficiat, ad bonū verò gratiæ quodā completēto indigeat.

Hæ autem omnes sunt definitiones potentiæ liberæ libertate essentiali siue naturali, ideoq; conueniunt etiam voluntati beatæ respectu amoris beatifici, & omni voluntati quæ ex plena aduertentia rationis, & nullâ necessitate coactionis, in obiectum suum se inclinat, etiam si actuali & accidentali contrarietatis aut contradictionis indifferentiâ, in eliciendo tali actu, careat. Istis verò definitionibus suppressis, alia iam per nouorum Peripateticorum Scholas ambulat, & regnum obtinet, quæ videtur ex verbis Aristotelis concinnata, ubi

ait, *In*

ait, *In quibus in nostra potestate situm est agere, situm etiam est non agere.* Deinde: *Honesta & turpia agere, similiter & non agere, in nostra est potestate.* Vnde hæc potentia libera definitio fabricata est: *Potentia quæ positis omnibus ad agendum præquisitis, potest agere, & non agere.*

Arist. lib. 3. c. 7. Ethic

Quis primus formulam istam verborum conceperit, est incertum. Vasquez Iac. Almaino tribuere videtur, qui anno MD. philosophabatur Parisijs. Sed antiquior est. Nam Thomas Braduardinus Archiepiscopus Cantuariensis, qui circa an MCCCXL. in præclaro Opere, *DE CAUSA DEI CONTRA PELAGIVM*, simili omnino definitionis meminit. Et si liberum arbitrium generatim definire malit, *Potentiam rationalem rationaliter iudicandi, & voluntariè exequendi.* Sumitque non inconcinne, liberum arbitriū, non pro vnica potentia, sed pro tota animi mente, quæ ex intellectus & voluntatis cœtu coalescit. Vt propter intellectum, nominetur arbitrium, propter voluntatem verò, liberum. Vnde seruato naturali ordine, potius inquit, *arbitrium liberum, quam liberum arbitrium* vocari debet.

Vasq. 1. p. d. 99. s. 7.

Brad. lib. 2. c. 2.

CAPUT XXVI.

Quis sensus definitionis vulgaris: Potentia libera est, quæ positis omnibus ad agendum præquisitis potest agere, & non agere.

DEfinitio ista perperam intellecta, inter causas præcipuas obscuratæ notitiæ libertatis censeri debet. Hoc enim in speciem præferre videtur, quasi eodē tempore & momento, quo voluntas liberum actum elicit, sit æque proximè accincta & præparata ad liberam suspensionem eiusdem sui actus.

Sed hæc imaginatio cum doctrina Aristotelis, S. Thomæ, Scoti, & veterum Peripateticorum aperte pugnat, vt ex cap.

I 11)

V. VI.

V. VI. constat. Si enim vnico iudicio practico vltimo voluntas in appetendo se dirigit, & illo posito *necessario*, vt Aristoteles loquitur, necessitate non coactionis, sed naturalis inclinationis, ad amandum se determinat, non potest voluntas eo instanti dici tam preparata ad liberè cessandum quàm ad operandum; cùm nullum sit iudicium practicum in intellectu, quo liberæ cessationis vtilitas repræsentetur; ipsa verò sine ratione nullum actum liberè eliciat, nullum libere suspendat, vt antè cap. xxii. demonstratum fuit. Vnde illo instanti ad nihil aliud sanè est proximè accincta, quàm ad productionem illius actus, quando quidem intellectus nec de contrario, nec de contradictorio quidquam practicè iudicet. Ideoq; voluntas non habet quò aliò se vertat, quàm vt per essentialē suam libertatem & perfectam spontaneitatem in actum illum se demittat, vt subtiliter aduertit, & suprà cap. ix. docuit Bellarminus.

Itaque vulgari ista definitione definitur non potentia libera respectu cuiusvis sui liberi actus, sicut cap. præcedentis definitionibus, sed tantum respectu actus liberi libertate contradictionis, vt voces istæ, *agere*, & *non agere*, manifestè significant; qualem libertatem in omnibus huius vitæ actibus experimur, quando plenà aduertentiâ rationis operamur. Nam *libertas quantum ad actum*, ait S. Tho. in q. uantum voluntas potest velle vel non velle, inest voluntati in quolibet statu naturæ, respectu cuiuslibet obiecti. Vnde illa definitio quandâ potentia essentialiter liberæ accidentariam proprietatem explicat, quæ non tantum in actum suum liberum perfectâ spontaneitate se resoluerē, sed etiam eum suspendere, siue liberè non-agere possit. Hunc enim sensum propriè exprimunt verba illa Aristotelis, *Honestè agere & turpiè, & non agere in nostra est potestate*. Quod prouenit ex perfectione voluntatis, quæ, vt plurimum, potest intellectum à iudicio & cogitatione talis obiecti auertere, & sic lucernâ istâ extinctâ, gressum suum siue actum suspen-

S. Tho.
q. 22. a.
6. de
Verit.

suspendere. Cæca enim potentia sine dictamine & ducatu intellectûs non potest incedere.

Hanc enim contradictionis libertatem sic explicat S. Thomas. *Voluntas, inquit, quantum ad exercitium actûs, à nullo obiecto ex necessitate movetur. Potest enim aliquis de quo-^{Idem 1.} cumque obiecto non cogitare; & per consequens neque actu velle^{2. q. 10. a. 2.} illud.* Et in hoc S. Thomas liberi arbitrij rationem, & etymologiam constituit. Quòd, inquam, voluntas arbitrium suum siue iudicium, quo ipsa se dirigit, intellectui imperare, applicando eum ad consultandum, vel cohibere possit. Ad hoc autem necessarium est, vt intellectus supra iudiciû suum se reflectat, & voluntati vtilitatem aliquam in eo eligendo, aut suspendendo ostendat. Vnde quia brutorum imaginatiua super actum suum se non reflectit, ideo iudicium eorum est immobile & naturaliter determinatum ad unum, ait idem Doctor Sanctus, neq; in ijs vlla est iudicij libertas. Nam iudicare de iudicio suo, inquit, est solius rationis, ^{Idem 9. 24. a. 1. 2. de Verit.} quæ super actum suum reflectitur, Et alibi: *Bruta non iudicant de suo suo iudicio, sed sequuntur iudicium sibi à Dep. inditum, & sic non sunt causa sui arbitrij, nec libertatem arbitrij habent.* Et denique: *Irrationalia animalia sunt quodammodo liberi motûs siue actionis (quia motus progressivus ab eorum appetitu imperatur) non autem liberi iudicij. Intellectualia autem non solum libera actionis, sed etiam liberi iudicij, quod est liberum arbitrium habere.* ^{Idem lib. 2. c. 48. contra Gent.}

Hæc ergo iudicij libertas est causa libertatis contradictionis. Nam licet voluntas iudicij ultimi practici ductum infallibiliter sequatur, ipsa tamen potest iudicium iam elicitum extinguere, & ab actu suo positivum ad liberam eius cessationem transire. Potest deinde iudicium ultimum practicum prævenire, & ita positivum suum actum ab initio suspendere.

Quando verò nullum argumentum, nulla ratio ad suspendendum, aut dissolvendum iudicium practicum reperiri po-

riri potest, tunc cessare debet libertas contradictionis, ut
Capreol. in amore beatifico usu venit. Nam, ut clarè & egregiè Ca-
1. d. 1. 2. preolus: quia intellectus Beati *necessario* iudicat illud obiectum
3. omnibus pensatis esse tunc diligendum super omnia, nec illud
7. 11. iudicium est in potestate creaturae ad suspendendum illud, ideo nec
 appetitus aut fruitio illud iudicium sequens. Vbi probat suspen-
 sionem fruitionis non esse in potestate voluntatis, quia vo-
 luntas iudicium ultimum practicum de fruendo suspende-
 re non potest. Vnde sola fruitio ibi est in potestate volun-
 tatis, ad quam elicendam, per solam libertatem suam essen-
 tialem, non per indifferentiam contradictionis, se deter-
 minat. Si tamen per Dei potentiam, addit Capreolus, tolleretur
 illud primum iudicium, quo iudicat virtute diuinæ visionis, illud
 obiectum esse tunc diligendum, & crearetur secundum iudicium,
 de quo loquitur arguens; tunc fortè posset non diligere obiectum.
 Sed de illis miraculis non est sermo pro nunc. Hinc iterum pa-
 tet, definitum vulgaris illius definitionis, ut antè dixi, esse
 potentiam bicorni libertate naturali contradictionis libe-
 ram, quæ omnibus ad agendum prærequisitis potest agere,
 & potest etiam non agere; quia prærequisita etiam ad non
 agendum (intellectum ad excogitandas rationes applicando)
 comparare sibi potest, & spontè operationum principia mutare,
Arist. lib. ut ait Aristoteles. Talis enim potentia tam actum suum
1. 2. 11. positivum, quam cessationem eius in potestate sua habet:
mag. adèd ut & ad agendum, & ad non agendum se possit in-
*moral.*clinare, nec ad vnum magis quàm ad aliud restricta sit;
 licet hic & nunc, non ad vtrumque æquè proximè sit accin-
 ctus. Patet iste sensus manifestè ex Aristotele, vnde verba
 definitionis desumpta videri, antè diximus. Probat enim
 ibi Philosophus, tam vitia quàm virtutes esse in nostra po-
Idem
*lib. 3. c.*testate, quia si agere, cum honestum sit, in nostra est potestate,
7. 2. lib. non agere quoque, cum turpe sit, in nostra erit potestate. Gene-
 raliter quippe, ut præmiserat, In quibus in nostra potestate si-
 tum est agere, situm etiam est non agere. Quod lãnc manifestà
 expe-

experientiâ actuum, quos in hac vita exercemus, constat. Quisquis enim quippiam amat, facillè rationem aut occasionem aliquam cessandi ab amore reperire potest: cum plurima impedimenta & distractiones huius vitæ singulos actus nostros facillimè interpellent, & voluntatem excitent, ut ab una cogitatione ad aliam intellectum transferamus.

Deinde si coacti non ageremus, inquit Aristotelis Interpretes Eustratius, nihil causa esset, quo minùs coacti quoque *Eustrat. ibid.* agere deberemus. Et sic inquit brutorum, utrimque coacti, & necessitate constricti, tam in agendo quàm in non-agendo, essemus.

Sensus igitur Aristotelis & Interpretis eius est, voluntatem, sine necessitate coactionis, tam in unam quàm in alteram contradictionis partem, posse libertatem suâ essentialem exercere, quamdiu in hac vita mortali, inter virtutes & vitia degimus. Nec amplius quàm Aristoteles cuincere volunt Patres Græci, dum libertatem humanam per *ισοποροια* æquilibrium, ἀπορίαν indeterminatorem, ἀδιαφορίαν indifferentiam explicant.

Quòd si verò novi Peripatetici perseverent negare, eum esse suæ definitionis sensum, sed potentiam liberè operantem oportere cum solis iisdem ad agendum prærequisitis, proximè etiam ad non agendum, seu ad liberam suspensionem actûs, expeditam esse: tunc audacter affirmo, definitionem falsam & sophisticam esse, ac Aristotelis, S. Augustini, S. Thomæ, & veterum omnium Peripateticorum doctrinæ repugnare. Fax enim aliqua iudicii præfici, aut cogitationis alterius est unum ex prærequisitis ad volendum contrariû, aut ad suspensionem actûs; quæ tamen abest, cum unicum, quod volumus, tantùm cogitamus, ut toties dictum fuit. Nec amplius, quàm nos, vult S. Augustinus, quando ait, *s. Aug. motum quo voluntas huc atque illuc cinnuertitur, & quo homo ad lib. 3. 1. superiora & inferiora quasi quendam cardinem voluntatis detorquet, esse voluntarium & in nostra positum voluntate. Docet arb.*

enim vtrumque cardinis flexum esse liberum & in nostra potestate, non tamen voluntatem ad vtrumque simul & æquè oportere esse expeditam.

*rdē c. 13
de duab.
animab.* Sed nec alibi amplius etiam significat, vbi figmentum duarum animarum, bonæ & malæ, refellens, *An discerem*, inquit, hinc ostendi animarum duo genera, quòd in deliberando, nunc in malam partem, nunc in bonam nutat assensio? Cur non magis hoc signum est vnius animæ, quæ libera illa voluntate huc & illuc ferri, hinc atque illinc referri potest? Nam mihi cum accidit, vnum me esse sentio vtrumque considerantem, alterutrum eligentem, sed plerumque illud libet, hoc decet, quorum nos in medio positi fluctuamus. Nec mirum: ita enim nunc constituti sumus, ut & per carnem voluptate affici, & per spiritum honestate possimus. Non amplius, inquam, significat. Quia licet in deliberando, in malam & bonam partem nutet assensio, & in medio positi tamdiu fluctuemus, in fine tamen deliberationis, vnicum iudicium practicum, ad electionem vnius partis, elicitur, voluntatiq; bilanx in vnum tandem latus submittitur; neque stante illo iudicio, in aliud latus reflecti potest, sed solum postquam nouo iudicio in alteram quasi lancem iniecto, latus istud præponderare cœperit.

C A P U T XXVII.

Conciliatio Aristotelis, S. Augustini, Anselmi, Bernardi, Thomæ, Scoti, qui secum pugnare videbantur in doctrinâ liberi arbitrij.

EX doctrina tam explicatè & diffusè à nobis tradita, facilis, credo, iam erit conciliatio illorum Auctorum qui Cap. II. videbantur pugnantia dixisse. Nam Aristoteles dicit necessario eligi id quod iudicium practicum vltimum approbavit; & tamen etiam posse non eligi; quia voluntas tale iudicium auertere potest. *Potest enim aliquis*

aliquis de quocumque obiecto non cogitare, ut ait S. Thomas. *s. Tho.*
 Atque ita actio non tantum libertate essentiali, sed etiam *libertate contradictionis libera esse poterit.* *1. 2. q. 10. a. 2.*

S. Augustinus docet *omnem voluntatem*, siue volitionem cum plena adpartentia rationis elicitam, *esse liberam* libertate essentiali. Tamen liberum arbitrium *huc atque illuc liberum flecti*, si intellectus voluntati rationes sufficientes representet, cur libertate contrarietatis, aut contradictionis, in partem oppositam valeat se reflectere, aut actum suspendere.

S. Anselmus ait hominem ex se consensum suum habere, non ex natura, *sicut habet equus*. Nec tamen *tractu aut impulsu voluntatis*, quo quis *indeclinabiliter* aliquid vult, in pediri, quo minus consensus iste sit ex ipsa voluntate, & libertate saltem essentiali gaudeat.

S. Bernardus dicit, *Ibi esse libertatem, ubi est voluntas*, secutus Augustinum & Anselmum. Negat tamen, *voluntati necessitatem ullam à ratione imponi*, quo minus liberè pro arbitrio sese voluat, siue in malum, consentiens appetitui, siue in bonum, gratiam sequens: necessitatem, inquam, negat qualem Manichæi voluntati ab appetitu inferiori imponi fingebant, qua malum tantum velle posset, fatali aut brutali quadam necessitate, quam cum essentiali libertate pugnare Cap. XVIII. ostendimus.

S. Thomas Aristoteli consentienter loquitur. Cum vero ait, *opinionem hæreticam esse, quæ ponit, quod voluntas ex necessitate mouetur ad aliquid eligendum, etiamsi non cogatur*, manifestè de Manichæis, aut Chaldæis, vel Stoicis loquitur, qui voluntatem fatali quadam necessitate in alteram partem rapi censebant: sine coactione tamen illà violentâ & rigidissimâ, cuius principium est extrâ, ut ibidem ait S. Thomas; licet non sine coactione fatali, cuius aliqua principia agendi sunt quidem intrâ, sed à principio externo ita abripiuntur, ut motus non relinquatur in eorum potestate.

Vnde eiusmodi motus est voluntati simpliciter ineuitabilis, & indeclinabilis tali indeclinabilitate, quæ naturalem libertatem interimit.

Non sic, quando propter rationes ab intellectu propositas, & propter iudicij practici imperium, voluntas necessitatem quandam sibi ipsi imponit. Quia vel iudicium illud practicum mutare potest; vel si, propter rectitudinem talis naturæ intellectualis, immutabile sit, eiusmodi ineuitabilitas non sequitur ex necessitate quæ libertati repugnet, adeoque nec ipsa eidem repugnabit; sicut omnes de eo quod ex præscientia Dei ineuitabile est, fateri debent. Potest enim voluntas iuxta SS. Augustini, Anselmi, Bernardi, Thomæ doctrinam, *insuperabiliter & indeclinabiliter*, hoc est, in-
S. Aug. e. 12. de corrept. evitabiliter aliquid velle, & tamen liberè libertate essentiali velle. Oportet ergo necessitatem, quæ est ineuitabilitatis radix, considerare. Si illa cum libertate essentiali pugnet, etiam ista, si non, non.

S. Ber. de lib. arbit. S. Ansel. lib. 1. c. 10. Cur Deus. Sic quòd Deus non possit velle malum, *non infirma facit necessitas*, ait S. Bernardus, *sed firma in bono voluntas, & voluntaria firmitas*. Hoc est quod alia phrasi S. Anselmus: *Nulla intelligitur violentia necessitas, sed bonæ voluntatis spontanea & amata tenacitas*.

Scotus denique verè dixit, quòd Dei, & nostra voluntas,
Scot. 1. d. 39. q. 5. *ut prior naturaliter suo actu, ita eliciat actum suum, ut possit in eodem instanti elicere oppositum*, quantum est ex parte modi agendi & se mouendi; modò interim haberet iudicium intellectus paratum, quod ad oppositum ei præluceret. Sic qui in tenebris lucernâ præeunte ambulat per istam viam, quantum est ex parte potentiæ progressiuæ, aliam viam ingredi potest, si lucerna tamen etiam præcedat. Vbi autem lucerna deficit, libertas quoque contrarietatis, aut etiam interdum contradictionis, intercipitur, manetq; residua sola libertas essentialis. Sic Beatus liberè, secundum etiam doctrinam Scoti, amat Deum, etiam si nec odisse, nec non-amare possit. Quòd

Quodd autem non velit Scotus, voluntatem oportere eodem instanti in vtrumque oppositum, duobus iudicijs simul prælucentibus, esse accinctam, patet ex ijs quæ Cap. V. ex iplo attulimus. *Volitio quando elicitur à voluntate*, inquit, *non requirit nisi vnicam intellectionem.* Item: *Si sententia vltima- ra possit haberi sine discursu, ita perfectè poteris voluntas elige- gere in instanti, sicut præcedente discursu.* &c.

Sret. 2.
d. 5. q. 2.
Idem 3.
d. 18. q. 1

E P I L O G V S.

V Idetis iam, Viri Eruditissimi, quàm longè extra Lyceum quidam vestrum hodie ambulent, qui tamen Peripatetici audire volunt. Aristotelis, est etiam S. Thomæ, Scoti, S. Augustini, & veterum Patrum regia via. Hæc inter duas hæreses, Manichæi & Pelagij media incedit. Manichæus vim, quam concupiscentia in spiritum nostrum exercet, sentiens & nimis grauitè expendens, voluntatem, siue partem nostri superiorem ab inferiori, fatali quodam aut brutali raptu ad malum cogi & abripi dicebat: siue vt verbis eorum & S. Augustini loquar, *Naturam boni cogi malè facere ab ea natura mali, quæ bonum non potest velle: ac proinde naturâ, non voluntate nos malos esse.* Cùm tamen *dicere aliquem peccare sine voluntate*, inquit Augustinus, *magnum sit deliramentum.*

S. Aug.
lib. 1.
Oper.
imperf.
Idem c.
12. de
duat.
animab.

Pelagius verò in Gentilium Philosophorum magis quàm Sacræ Scripturæ Schola eruditus, Peripateticorum præsertim & Stoicorum sensum ac superbiam imitatus, voluntatem non tantùm naturaliter liberam, sed etiam in pari inter bonum & malum æquilibrio, tam validam ad virtutes quàm ad vitia constituit, id est, *libertatem natura & libertatem gratiæ*, vt loquitur S. Bernardus, quasi in vnâ confudit, credens illud totum fieri à natura, in quo tamen gratia suam partem, & quidem præcipuam habet. Nimis ergo conditionem humanæ voluntatis depressit Manichæus, nimis extulit Pelagius. Democritus & Chaldæi,

M iij

fatalis

fatalis raptus & necessitatis assertores, similes Manichæo, Aristoteles Pelagio.

Nonne enim Pelagij hæresin graphicè hic & breui compendio comprehensam videtis? *Quia*, inquit, *agere & non agere positum est in nostra potestate, honesta agere & turpia, & similiter non agere, in nostra est potestate. Id autem est, ut boni & mali simus. Unde in nostra quoque potestate erit, ut frugi simus, & nequam. Quasi tam plenam ad bonum, quam ad malum habeamus potestatem. Aristoteles ergo humanæ libertatis essentiam magno suo ingenio & acumine intellexit, non intellexit morbum. Cogitabat enim, quod omnis mens apud se diuinitus conscriptum legit, quod in montibus cantant pastores, in theatris Poëta, indocti in circulis, ut ait S. Augustinus, neminem esse vituperatione dignum, qui id boni non faciat, quod facere non potest. Unde cum iam peccent, & iuste vituperentur homines omissione boni quod facere iubentur, mendose collegit Aristoteles, etiam nunc in plena hominis potestate esse, declinare à malo & facere bonum; nesciens olim quidem cum tali potestate conditam fuisse hominis naturam, sed culpâ suâ in hanc peccandi, ut loquitur S. Augustinus, necessitatem decidisse. Multum enim erras, ait Iuliano, qui vel necessitatem nullam putas esse peccandi, vel eam non intelligis illius peccati esse pœnam, quod nullâ necessitate commissum est.*

Talem verò peccandi necessitatem extra culpam non esse, etiam pastores & montani Corydones in eadem naturæ luce legunt, & optimè, opinor, intelligunt. Non enim se, aut sodales excusant, qui in Phyllidum, Galatearum, Alexium impuros amores spontè præcipitati, in iisdem propriâ voluntate, quamvis turpi amore captiui, sine verâ & efficaci pœnitentiâ, se voluunt reuoluunt; etiam si vel leuitate languidâ, & tristi cicutarum Musi, magis ob amandi molestias, aut spes dilatas, quàm vero honesti amore, carmina ista suspirent:

Vt vidi,

*Vt vidi, vt perij, vt me malus abstulit error.
Nec lachrymis crudelis amor, nec gramina riuus,
Nec cythijō saturantur apes, nec fronde capella.
O crudelis Alexi, nihil mea carmina curas,
Nil nostri miserere, mori me denique cogis.*

Virgil.

Hæc enim necessitas non est Manichæa, aut fatalis, quia voluntas naturali sua libertate se mouens, modò diuinitus adiuta, vincere cam, & velle bonū potest. Hinc Augustinus Manichæi erroris calumniā breuissimè propulsans, *Natura humana*, inquit, *etiam cū per vitium mala est, capax est boni.*

Deinde, quando abstracta & illecta à concupiscentiā vincitur, libertate tamen sua naturali in peccatum consentit, manetque, vt egregiè Bernardus, *libertus voluntatis, ubi est captiuitas mentis: tam plena* (si essentiam eius spectes) *in malis quàm in bonis, sed in bonis ordinatior.* S. Bern. de lib. arbit. In tali nihilominus liberā captiuitate negat S. Augustinus decuisse Conditorem, creaturam rationalem & imaginem suam ab initio condere, sed in *miseræ istius libertatis*, vt vocat Bernardus, statum, non nisi per peccatum potuisse decidere.

Vnde idem Augustinus, phrasis sacræ Scripturæ amator & vnicè retinens, nomine libertatis vix dignatur potestatem illam voluntatis ad malum, quæ veluti captiua, concupiscentiæ tanquam tyranno seruit: ideoque solam potestatem ad bonum, libertatem vocare, vt plurimū, consuevit. Hinc gratiam & charitatem sæpè libertatem appellat, quia gratia quasi complet potentiam & naturalem libertatē voluntatis, vt in actum liberum, quo se à vinculis concupiscentiæ expedit, exerere possit, id est, vt bonum & bene velit. Sed quia tamen hic tam restrictus loquendi modus, doctrinam S. Augustini aliqua obscuritate inumbrabat, lucem egregiam intulit S. Bernardus, dum *libertatem naturæ à libertate gratiæ*, hoc est, vt ait, *libertatem à necessitate, & libertatem à peccato*, in uno eodemque actu bono distinxit. Vnde illud, *Si vos filius liberauerit, verè liberi eritis*, nō de libertate loan 8. naturæ

S. Ber. ibid. naturæ & à necessitate, sed de libertate gratiæ & à peccato intelligit. Significabat enim Christus, inquit, liberum arbitrium liberatore indigere; sed planè quod illud liberaret non à necessitate, quam voluntatis esse penitus non nouerat, sed à peccato, in quod tam liberè quàm voluntariè corruerat. Non liberauit ergo Christus voluntatem humanam à necessitate coactionis violentæ, fatalis, & brutalis, quæ in voluntatem, modo suo connaturali agentem, cadere non poterat; sed à peccato tam habituali, quàm actuali, in quod concupiscentia voluntatem illicit & abstrahit, nisi gratia liberatrix ei manum iniiciat.

Ibid. Manet interim in isto consensu prauo naturalis libertas, quia homo à concupiscentia voluntarius efficitur, ait Bernardus. *Ibi autem voluntas, ibi libertas*, vt iummo consensu post Magistrum suum Augustinum, SS. Prosper, Fulgentius, Anselmus, Bernardus clamant.

S. Prosp. c. 12. & 38. c. 17. Collat. Non est periculum libero arbitrio ex gratia Dei, inquit S. Prosp. nec voluntas auferitur, cum in ipsa bene velle generatur. Deinde: Non consurbat nos superbientium inepta querimonia, qua liberum arbitrium causantur auferri. Volentes oramus &c. Volentes loquimur &c. Volentes operamur &c. Volentes diligimus Deum & proximum.

S. Fulg. lib. 2. de verit. prædest. c. 7. Libera voluntas, ait S. Fulgentius, eam in se habet naturaliter qualitatem, vt appetere spontè possit bona vel mala; sed bona proficiendo appetit, mala deficiendo.

S. Ansel. Nulla tentatio, inquit S. Anselmus, potest voluntatem, nisi volentem auertere à rectitudine ad peccatum, id est, ad volendum quod non debet. Cum ergo vincitur, non aliena vincitur potestate, sed sua. Atque ita probat, voluntatem non nisi liberè, non autem cogente tentatione, rectitudinem deferere.

Si autem velim omnia S. Bernardi testimonia congerere, totum penè librum eius De lib. arb. & Sermonem LXXXI. in Cantica oporteat huc transcribere. Vos potiùs, si placet, voluite reuoluite, Viri Eruditissimi. Et addite S. Anselmi libros

libros De libero arbit. De casu diaboli, Cur Deus homo, & De conceptu Virginali.

Sed si ad naturalem libertatem, inquiunt aliqui, voluntarium & perfectè spontaneum sufficiat, cur explicatu tam difficilis, quàm S. Augustino visa, notio libertatis, & eius cum diuina præmotione concordia?

Sed hæc quæstio potest egregiè ἀντιστρίψαι, & in Auctores suos retorqueri. Si enim libertas in actuali indifferentia consistit, qua voluntas duobus vtrunque accincta iudicijs, inter duo opposita, tanquam in balance, suspendi debeat, tam facilis est eiusmodi libertatis imaginatio, vt nemo piperis aut cumini libripens faciliùs trutinæ suæ nutus & oscillationes mente concipiat. Deinde, si ad omnem actum liberum necesse sit, voluntatem incipere, & primum nutum ac flexum omnibus concupiscentiæ, aut gratiæ motibus dare, puer quivis facillimè intelliget, ne hilum quidem per concupiscentiæ, aut gratiæ impullum, voluntatis libertatem violatum iri.

In Philosophiaverò SS. Patrum & S. Augustini, summa ingenia vix penetrare valent, quo alio peculiari modo voluntas se moueat, quo non potest appetitus bruti. Qua deinde ratione, voluptate carnali potentissimè eam ad malum abstrahente, aut delectatione spiritali gratiæ indeclinabiliter & insuperabiliter, vt loquitur S. Augustinus, eam flectente, liberè nihilominus, & cum indifferentia quadam essentiali voluntas sequatur, ac seipsam sub tam potenti tractu promoueat, explicatu non est facile. Nec ego explicare aggredior, nisi Sedes Apostolica, quæ vetuit, huius laboris mihi veniam concedat.

S. Aug.
c. 12. de
corrupt.

V A L E T E.

actum confluit cum consensu voluntatis, perinde ferè ac corpus cum anima in vnum hominem coalescit, vt post Gregor. Nyssenum S. Thomas docuit. Hinc etiam Aristoteles vtrumque ad electionem pertinere existimans, alicubi ait, *προαίρεσις ἔναι ὁρεκτικὸν νοῦν*, ^{S. Tho. 1.2. q. 13} & *ὁρετικὴ διακοντικὴν*, electionem esse appetitum intellectum, aut appetitum intellectuum. ^{Arist. lib. 6. c. 2.} Vnde error practicus contra prudentiam non tam dicendus antecessisse peccatum primum primi hominis, quàm partem ^{Ethic.} quodammodo fuisse prauæ electionis.

CARNEADES.

Non videmur experiri, nos semper ante actum liberum voluntatis, elicere iudicium practicum, quo hoc agendum esse nobis persuadeamus.

CHRYSIPPVS.

Nec mirum. Quia neque simplices apprehensiones, aut quicumque alij actus à iudicijs practicis distincti, semper talia vestigia in animo relinquunt, quæ ad recordationem sufficiant.

Cogita ergo, nullam auram tam inquietam, nullum tam mobilem & volatilem ventum, quàm sit hominis intellectus. Hic enim per omnes suos actus, simplices, complexos, ineffabili velocitate, innumerabili intra breuissimum tempus multitudine & varietate, inexplicabilibus mæandris & gyris currit, recurrit. Qui tamen actus omnes memoriam & recordationem effugiunt, nisi intellectus alio actu reflexo vestigia eorum menti quodammodo imprimat. Quod quomodo fiat, nihil pænè in tota Philosophia est tenebrosius, nec vllum humani ingenij hætenus acumen eò vsque penetravit.

CARNEADES.

Quomodo qui in meru naufragij proijcit merces, non duo iudicia practica vltima simul format, cum iacturam illam facere velit, & tamen se facere doleat?

CHRYSIPPVS.

Quoties plura simul agenda decernuntur, pluribus quoque simul iudicijs practicis est opus. Vt cum Textor in opere suo manus & pedes simul agit, cum Psalter citharam tangit & vnà saltat.

Sic qui merces abijcit, abijciendas, & tamen simul hoc dolendum esse iudicat. Abijcere enim & dolere simul potest. Vt autem in abijciendo sit liber, nullum de retinendis mercibus absolutum iudicium vltimum practicum elicere simul debet, imò non potest.

Cum Superiorum Approbatione.



14.

PANDIMIGLIO

APR. 1971

LEGATORIA - N. A

